

SOLEMNIA NATALITIA

REGIS AUGUSTISSIMI AC SERENISSIMI

FRIDERICI VI.

D. XXVIII. IAN. A. MDCCCXXI.

H. XII. IN AUDITORIO MAIORI

RITE CELEBRANDA

ACADEMIAE KILIENSIS RECTOR ET SENATUS

INDICUNT

GREGOR. GUN. NITZSCHUM

ELOQ. P. P. O.

Inest: *de Aristotele contra Wolfianos, sive de carminibus cycli Trojani recte inter se comparandis disputatio.*

K I L I A E

EX OFFICINA CHRIST. FRID. MOHR.

MDCCCXXI.

1831

SECRET

CONFIDENTIAL

SECRET

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

Q. B. F. F. F. Q. S.

Praeluserunt Musae nostrae acceptissimo pietatis officio. Instat dies patriae faustissimus, *natalis Regis Augustissimi ac Serenissimi*, cujus sollemnia Academia Albertina junctâ cum civibus gratulatione, votis et precibus consuetis atque festâ panegyri celebrabit. Quam panegyrim d. XXVIII. m. Jan. h. XII. in Auditorio majori ritu veteri agendam ut faventes, frequentes audire velint, *Excellentissimum Academiae Curatorem*, regios et urbicos magistratus amplissimos, Academiae cives humanissimos, omnium denique ordinum incolas eâ, qua decet, observantiâ invitamus et rogamus.

P. P. in Academ. Kiliensi d. XXVI. m. Jan. a. MDCCCXXI.

Consilium est, locos Aristotelis, qui de Odysseae et Iliadis descriptione et arte sunt disertiores, uberiore disputatione ita enarrare, ut et quid quamque recte ille, et de quo judicaverit, plane pernoscatur. Ergo simul de Iliade parva, Aethiopide, reliquisque quae Homericis Aristoteles postposuit carminibus accurate quaeretur. Sed ipsorum etiam Homericorum formam ut demonstremus eandem tum fuisse, quam nunc videamus, disceptationes quaedam requirunt doctorum hominum, qui Aristotelem ita loquentem audire sibi visi sunt, quasi se quasdam partes Odysseae in suo exemplo ne legisse quidem significet. Censuerat ita jam *Rochefortius*, qui Iliadem et Odysseam versibus francicis redditas cum annotatis et dissertationibus edidit anno MDCCLXXXI. Is enim suspicionem suam, qua episodium Odysseae, quod in Niptris legitur de cicatrice ad Pernassum accepta, XIX, 399—460, subditicium esse vidit, Aristotelis testimonio firmari opinatus est. Pravam popularis sui interpretationem arguit *Dugas-Montbelius* in Millini Annalibus encyclopaedicis anni MDCCCXVII. Fasc. V. s. mensis Maji, quanquam neque suspicionis istius vim satis expendit, neque Aristotelis locum ad enucleatae sententiae perspicuitatem perduxit. Controversiae ab his agitatae incuriosi *P. Knigh-*

tius et Bern. Thierschius eundem, quem antea Rochefortius, errarunt errorem. Quorum ille in annotatis ad Odysseae l. eo pertinaciae processit, ut duos alios Aristotelis locos, qui iudicio adversarentur, interpolatione insertos esse fingeret. Bernardus vero Thierschius in libello leviusculo, quem olim de forma genuina Odysseae conscripsit, non solum p. 19. illius loci particulam male decerptam in ejusdem opinionis fidem adhibuit, sed etiam p. 24. alterum, qui Odysseae descriptionem habet, manifesto judicavit esse indicio, extremam partem Odysseae ab Aristotelis libro abfuisse. Quod interpretationis vitio repertum erat, assensum facilem habuit ab iis, qui carmina Homeri Pisistrati jussu demum consignata non ante certiore formâ constituisse putabant, quam Aristarchi, a librorum copia instructiores, Iliadem et Odysseam omnibus interpolatorum commentis auctas edidissent. Nihil horum satis considerate creditum est. Nam ut Pisistratum taceam, de quo alibi satis superque disputatum est, literatiore, quae ab ipso illo ducitur, aetate carminum illorum forma nihil admodum mutari amplius potuit; neque quod scriptores, qui Alexandrinam aetatem praecedunt, versus nonnullos vel omnino desideratos vel immutatos laudant, ea res gravioris discrepantiae aut licentiae indicium habet, quam etiam post grammaticorum negotia circa eadem carmina versata est, et aliquatenus omnis generis et aetatis scriptores afflixit. Ab Alexandrinis in poetae tum antiquissimi tum celebratissimi exemplis aliquanto plus diversitatis deprehensum esse, quam singulorum versuum aut vocabulorum formam exigerent, quam in aliis, quis miretur? Quanquam de Zenodoti audacia diversitatis, quae in exemplis fuerit, conjecturam ne citius caperemus, jam Wolfius ipse

cavit. Urbium quidem illa exempla, quantum ex scholiorum indicibus intelligitur, in eandem plerumque lectionem conspirabant. Omnino de hoc genere accuratius quaerendum erit, ut, quid quisque grammaticorum sequutus sit, et num quidquam ab antiquorum librorum fide ad damnandos locos profecerint, certo cognoscamus. Nunc tantum breviter profiteri licet, ne minimam quidem vocem erumpere ex antiquiore aetate, quae locum ullum in suspicionem vocatum prodatur, aut criticae, quae obelo censetur, principem aliquem Zenodoto priorem efferat. Quamvis enim mature exorti sint, qui Homeri deos, mores, inventa denique vel dicta variâ reprehensione aut dubitatione afficerent, tamen ii, qui inde a crebrescentis lectionis, hoc est ab ipsius Pisistrati et Amasidis aetate, a solvendis ejusmodi quaestionibus *λυτικῶν* nomen invenerunt, allegoriae potius machinam omniaque interpretandi effugia quaesierunt, quam ut sacri poetae opinionem tollendis, qui incusati erant, locis sustinere studuerint. Quod quum ipsum documento sit, de rhapsodorum interpolatione tum quidem nullam fuisse suspicionem, non magis in scriptorum mentionibus desideratos in eorum exemplis locos subodorari licet. Imo qui loci tum a grammaticorum notatione tum a nostris dubitationibus sunt suspectissimi, eos ipsos a Platone, Aristotele, aliis, citatos legimus ut Homericos. Sed agamus, quod propositum est.

De argumenti delectu justâque fabulae in unam actionem comprehensione duobus maxime poetices locis Aristoteles praecepit, utroque ita ut primas Homero deferret. Eorum altero c. 8. *Odyssaeae*, altero 23. *Iliadis* descriptionem accuratius definivit. Poetae epico non

historiarum simili complexione utendum esse, in quibus quaecunque uno eodemque tempore in uno aut pluribus evenerint, etsi nulla inter se necessitudine copulentur, junctim tamen exponi oporteat. Neque magis, si alterum alteri temporis quidem serie nexum sit, sed in unum contigua finem non conspirent. Epicorum enim illud potius esse, ut unam actionem conficiant, quae a principio per medium ad exitum procedens integra sit suosque habeat numeros. Ita denique quasi animal quoddam effici unum et integrum, quod insitam epico generi voluptatem vere excitet. Iam poetas quidem fere plerosque secus fecisse; quippe qui circa hominem unum, et tempus unum, et actionem multarum partium versati sint. Velut Cypriorum et Iliadis minoris auctores; quorum rationem eo maxime existimari posse, quod utrumque poema multis tragoediis argumenta suppeditaverit. Quare, inquit, in hac quoque re divinus videatur Homerus ad ceteros, quod non bellum, quamvis principium et finem habens, totum tractare aggressus est, sed unâ parte delectâ, episodica e ceteris multa adhibuit, velut navium catalogum et alia, quibus poesin distinguit. Haec ille cap. 23. in quibus maxime comparatio, quâ Iliadem parvam et Cypria Homérico carmini postponit, nos convertere debet. Sed proximum est, ut alterum locum, qui de Odysseae compositione est, diligenter exponamus. Octavo igitur capite ita ille: docet primum fabulam unam non esse, quae circa unum hominem versetur, uni enim infinita passim evenire posse, quorum e quibusdam nihil fiat unum. Itaque etiam unius hominis ejusdem multas esse actiones, quae in unam actionem non coeant. Quare reprehendendos esse poetas, quicunque Heracleida sive Theseida sive alia id genus poemata composuerint,

opinantes, quum Hercules fuerit unus, fabulam quoque de eo unam esse debere. His positis ita pergit: ὁ δὲ Ὅμηρος, ὥς περ καὶ τὰ ἄλλα διαφέρει, καὶ τῆτ' εἴκει καλῶς ἰδεῖν, ἥτοι διὰ τέχνην ἢ διὰ φύσιν. Ὀδύσειαν γὰρ ποιῶν, ἐκ ἐποίησεν ἅπαντα ὅσα αὐτῷ συνέβη, οἷον πληγῆναι μὲν ἐν τῷ Παριασσῷ, μανῆναι δὲ πρὸς ποιήσασθαι ἐν τῷ ἀγεῖμῳ, ὧν ἐδὲν θάτερος γενομένης ἀναγκαῖον ἦν ἢ εἰκὸς θάτερον γενέσθαι. ἀλλὰ περὶ μίαν πράξιν, οἷαν λέγομεν, τὴν Ὀδύσειαν συνέστησεν. *) Integrum transscripsi locum; quem quod Knightius Thierschiusque eâ parte, quae post ἀγεῖμῳ sequitur, detruncatum exhibent, ipsum arguit, eos enunciati complexionem parum animadvertisse. Qui si illa ὧν ἐδὲν θάτερος — γενέσθαι ad loquendi usum exegissent: et haec ipsa cum proxime praecedentibus vidissent esse jungenda, et totam de Aristotelis testimonio opinionem confestim abjecissent. Multis autem rationibus redarguitur interpretatio, quâ Aristotelem dicere volunt, illud de Ulysse vulnerato in Odyseam non esse admissum. Primum verbis ἐκ ἐποίησεν ἅπαντα ex adverso positum est ἀλλὰ περὶ μίαν πράξιν — τὴν Ὀδύσειαν συνέστησεν, ceteris explicandi caussa interpositis, quae simul in caussa sunt, cur τὴν Ὀδύσειαν in fine dixerit, non τὸν μῦθον vel simile quid. Deinde γενέσθαι est evenisse: discernit enim usus quum communis tum Aristotelis τὰ γεγνημένα, facta, quae historiae sunt, et τὰ πραττόμενα s. πεπραγμένα (c. 17, 1. 11, 1 et 3.) quae aguntur, quae per imitationem exhibentur aut exhibita sunt, atque

*) Exhibui locum secundum Hermannum et Immanuelis Bekkeri libros (V. Quaest. Hom. 1. p. 19 sq. not. 4.), quum Graefenhanus p. 83. male sic scribat: ἀλλ' ἂν περὶ μίαν πράξιν, οἷα ἂν λέγοιμεν τὴν Ὀδύσειαν, συνέστησεν. Istud οἷαν λέγομεν est qualem solumus, ut c. 11. ὥς περ λέγομεν.

ipsâ fabulae actione continentur, et denique πεποιημένα, quae poetae fingentis operam sunt experta, ficta (c. 17, 5.). Neque tamen γινόμενα semper sunt vere facta (c. 9, 1—3. alibi), sed etiam narratio epica, ἀπαγγελία, quum agentes et loquentes inducti non sunt, γινόμενα persequitur (c. 4, 9.), et in fabulis scenicis, si quid non coram agitur (πράττεται) sed tanquam foris eveniens commemoratur aut cogitatur, id quoque γίνεσθαι dicitur (c. 14, 2.). Apertum igitur est, vel ex hoc, quem demonstravimus, usu, verba θάτερον γινόμενον θάτερον γενέσθαι nullo pacto de ipsius poetae operâ accipi posse, qui si Odysseam componat, non necesse aut consentaneum sit, ut in eam omnia recipiat. A qua interpretatione etiam verborum ἀναρχαῖον ἢ εἰκός vera sententia revocat (v. c. 9. et 15, 10.). Denique particularum μὲν et δὲ non copulandi simpliciter sed distinguendi vis est, quam h. l. planissime referas latinis nunc — nunc, tum — tum. Itaque ex prava interpretatione hanc potius recepimus sententiam: „*Odysseam enim quum faceret, non intulit omnia, quaeque isti evererant, ut nunc vulneratum esse in Parnasso, nunc insaniam simulasse in delectu, quorum si unum evenisset, neutiquam necesse aut consentaneum erat alterum quoque evenisse: sed circa unam actionem, qualem volumus, Odysseam composuit.*“ Loci ita translati ut plane perspiciatur ratio, animadvertendum est, Aristotelem omni illâ praeceptione hoc cavere, ne quis unius alicujus res, quamvis condicione dissimillimas, quoniam in eodem evererint, in unum opus bene cedere putet. Hac enim mente nunc duo illa ponuntur, quae in eodem quidem Ulysse evererunt, sed temporibus diversissimis, quorumque neutrum neutri non modo necessitatis ratione ullâ, sed

ne levissimo quidem caussarum nexu copulatum sit, ut ad unam actionem profecto non pertineant. Illa vero, ὧν ἕδεν et quae seq. ita subjunguntur, ut verbo quidem posita exempla spectent, iudicio vero simul omnia, quae eidem diversa evenerint, attingant; nam ratio omnis est unius rei ad alteram, *θάτερον πρὸς θάτερον*, non aliter atque etiam in alterâ de Iliade disputatione c. 23. *θάτερον μετὰ θάτερον* evenire dixit. Propter hunc iudicii ambitum etiam invertere paullum verborum ordinem licet in hunc modum: Multa passim Ulyssi evenerant, quorum neutiquam necesse erat unum si evenisset alterum quoque evenisse, ut in Parnasso vulneratum esse, in delectu vero insaniam simulasse: quare ne Homerus quidem omnia ejus eventa in Odysseam recepit, sed ea solum complexus est, quae in unam actionem recte implicarentur. Hoc orationis progressu si usus esset Aristoteles, continuo decerneremus, exempla ista ita esse adjecta, ut num vere Homerus eorum alterutrum, an neutrum receperit, ne diceretur quidem. Atque etiam hoc, quo nunc subsequi videmus, ordine verbis ὧν ἕδεν seq. non tam quid Odyssea habeat, quid non, significatur, quam eventorum illorum inter sese quae sit ratio expenditur, ita tamen ut simul, quid omnino admitti potuerit, doceatur. Jam vero, quo delectus prudentia manifestius sentiretur, consultius profecto erat, non duo exempla subjungere, quorum utrumque pariter ab Homero omissum esset, sed ea, quorum alterum vere in Odyssea exstaret, alterum, quia neque ex illo neque ex alio admissio aptum esset, non compareret. Non minore igitur admonendi calliditate quam dicendi brevitate Aristoteles ex iis, quae Ulyssi evenerant actione Odysseae priora, duo delegit, quorum alterum illam

effectu attingebat, alterum minus. Neque dubium est, quin ea, quae sunt circa Ulyssis cicatricem, ad Odysseae actionem pertinere censuerit. Quum enim agnitionibus, ut infra videbimus, plurimum tribueret, in earum vero numero Eurycleae agnitionem ceteris anteferet: episodium quoque illud quo accepta narratur cicatrix ab illis quidem rationibus integrum et intactum habuit. Praeterea versuum XIX, 395—97. *) apud Platonem de rep. I. 334 A. manifestum testimonium exstat (obscurius quoddam de leg. XII. init.), quod pridem adhibitum ab interpretibus Rochefortium permovit, ut male illatos versus a trecentesimo nonagesimo nono demum numeraret. Nos nunc neque illos versus neque subsequens episodium a Platonis et Aristotelis exemplis abfuisse credimus; esse vero locum interpolationis depravatum, quum variis sermonis indiciis tum eo argui arbitramur, quod episodium condicionem interpellet, quâ neque Eurycleae neque Ulyssi narrandum tribui potuerit. Verum haec alias. Nunc, postquam quid Aristoteles de utriusque carminis inventionis iudicaverit satis intellectum est, duo maxime consideranda putamus, quorum alterum in rerum ac fabularum, quarum Homero optio suppetierit, varietate ac copia versatur, alterum laudem spectat, qua Homerus super ceteros eminere dicitur.

*) Illud κλεπτοσύνη δ' ὅρκῳ τε recte explicat Libanius Apol. Socr. p. 33. T. III. Reisk. Loquutionis rationem illustrat exemplum simile ap. Ctesiam Excerpt. e Persicis c. 60. p. 79. Baehr.

II.

Utrumque Graecorum intelligentissimo cuique persuasum erat, poetas epicos maximeque Homerum antiquarum rerum et sequi ac protere famam, et concessa sibi libertate ornasse ac finxisse. Celeberrima sunt in eam sententiam Pindari Nem. VII, 29., Thucydidis I, 9. et 10. et Platonis de leg. III. 682 A. iudicia, quibus accedit, quod Aegyptiorum monitis temperatum est, Herodoti illud 11, 120. Horum suspensiones quum Aristoteles ad artis rationem ac disciplinam revocaverit: videtur ille quidem ad nostra magis placita fabularem memoriam ex parvis principiis ingenio poetarum sensim paullatimque auctam ac multis modis refictam credidisse. Velut — illustrabo enim, quid velim, exemplo — Thucydides quidem famam illam, qua Graeciae principes propter sacramentum Tyndaro praestitum ad repetendam Helenam coisse ferebantur, non alio modo impugnat, quam quo e pluribus quae tradita sunt amplectimur probabiliora. Nos vero, qui fabularum cum auctoribus aetates dispicere solemus, sacramentum istud a Stesichoro fortasse aut inventum esse existimamus, aut ex recentiore certe commento in carminis luce positum (Schol. Ven. ad II. β, 339. Klein. p. 78.). Similiter ergo aliquis in animum induxerit iudicaturum fuisse Aristotelem: neque id tamen recte. Is enim quum egregium illud laudatumque c. 9. reperisset: φιλοσοφώτερον καὶ σπουδαιότερον ποίησις ἱστορίας ἐστίν· ἡ μὲν γὰρ ποίησις μᾶλλον τὰ καθόλου, ἡ δ' ἱστορία τὰ καθ' ἕκαστον λέγει: sane non solum fabulae ex rebus sive traditis sive fictis texendae liberrimam poetae fecit optionem, sed etiam ab Homero plura aut libere aut parum etiam probabiliter ficta esse dixit. Dubitantibus enim de Achaeorum muro respondit; ὁ

πλάσας ποιητῆς ἠφάνισεν (ap. Strab. XIII. 598 s. 108.), Hectoris vero persequutionem (Il. χ. 205.) et expositionem Ulyssis (Od. γ, 119.) in exemplum posuit eorum, quae ad informandi veritatem absurda per epicam narrationem occultentur, et, dum actionis secundent progressum, boni poetae arte satis videantur venditari (poet. 25, 4 et 10. 26, 8.). Huic igitur generi multa alia annumeraverit necesse est is, qui omnino fabulam non ex traditis neque ad traditorum seriem, sed ex conditionis, mente bene descriptae, lege in unius actionis congruentiam pertexere poetas jubet. Verumtamen idem ab Homero etiam episodica ex traditis multa adscita dicit, et omnino longissime abfuit ab eorum opinione, si qui historiam Trojanam ab Aecleis, qui ex Aulide et ipsi trajecissent et se quasi paterna possidere finxissent, non celebratas tantum sed inventas ac deinceps poetarum studiis tum nutritas tum variatas esse suspicantur. Ille et bellum Trojanum eodem fere, quo epici narrabant, progressu evenisse, et vixisse heroes illos omnes suamque patrasse vicem firmiter credidit. Quod quum propter communem illum Graecorum de memoria fabulari consensum per se statuendum fuerit, tum certis exemplis possumus praestare; etsi non omnia, quibus scriptor aliquis Aristotelem auctorem citavit, hunc pro teste jurato affirmasse dicamus, ut Telemachum Nausicaam in matrimonium duxisse (ap. Eustath. ad Odys. π, 118. p. 1706.); primum Theseum plebis libertati fuisse, idque ipsum testari Homerum, qui in catalogo solos Athenienses δῆμον appellet (nisi hoc alterum de suo addit Plat. Thes. 25.); aut versum Hesiodi Op. 365. Pitthei Troezenii diotam referre (Plut. ib. 8.). Haec atque similia ut in medio relinquamus quâ mente perhibuerit

Aristoteles: at videmus eum poet. 26, 25. Cephallenibus suffragari, qui Penelopae patrem Icadium, non Icarium, nomine in sua insula habitasse dictitarunt. Tam curiose qui hominum Homericorum memoriam exegit, is certe non tenuem Trojae captae famam commentis crevisse, sed antiquissimo cuique poetae largam Trojanarum rerum materiam suppetiisse credidit, ex qua quae in carmen propositum recte cederent, selegisse potius quam excogitasse videretur. Jam nos si hanc opinionem nostro modulo metimur, sententiam dividendam arbitramur. Si rerum ab Homero traditarum fides quaeritur, quod tuto credi possit, ad minimum redigimus: eversam Atridis ducibus Trojam; redeuntium alios disiectos ac diu vagatos esse, alios domum postquam venissent expulsos a suis peregrinas sedes quaesivisse. Haec certa habemus, de singulis ambigimus omnibus. Belli et illati causam et patrati machinam et gesti tempus decenne manifestis statim indiciis poesis prodere putamus. Vehementer miramur eos, qui in Dionysii cyclographi, recentissimi fabulatoris, aut Cratetis forsitan sententiam proxima ab ipso bello tempora loquuntur, quum de Homeri aetate disceptatur. Speramus nunc Voelckeri, qui ignoratum Ithacae situm arguit, aliorumque *) conviciis illud concessuros, quidquid in Iliade et Odyssea nunc legatur carminis, id in Asia et aliquot saecula post bellum Trojanum esse conformatum. Denique, quum belli huius indicia circumspicimus, nos non fugit, quosdam, qui diu post reditus illos infelices Asiae, Cretae, Italiae oras

*) V. Voelcker. *Ueber Homer. Geographic* p. 52 sqq. Odofr. Maeller. *Proleg mythol.* p. 349 sqq.

possederint, aliquem ex heroibus illis, quem domestico cultu colerent, coloniae sibi conditorem finxisse. At enim ideo non omnem rei memoriam ex historia tollimus; ipsa enim tristitia eventorum, quae Ilias habet, per heroum illa *agoraeas* profecto non decurrens, nos prohibet, quominus Aeolenses in majorum gloriam talia finxisse suspicemur. Neque magis ab animo impetrare possumus, ut aut Hermannō assentiamur, qui nominum cum factis cujusque congruentium etymis omnem rerum veritatem dilui voluit (de mythol. antiquiss. p. 2.), aut Voelckero, qui Ulyssem et Penelopam ex Apolline et Diana effictos esse aliquando demonstratum ivit (Seeb. Bibl. cr. 1828. n. 20. p. 157.): cujus si ludere ludum vellem, Mercurium fortasse similiter exhiberem.*) Sed revertor ad Aristotelem. Ab hoc igitur quum ita, ut diximus, dissideamus, de altero quod fabularum, qua Homerus usus fuerit, copiā continetur, satis bene convenit. Nemo Graecorum Homerum aliter poetarum antiquissimum dixit, quam ut eorum quorum scripta exstarent illum primum poneret (cfr. Herod. 11, 53. cum ib. 23.). Etiam Aristoteles ante illum multos fuisse putavit (poet. 4, 9.). Quod quibus verbis profitetur, ea simul nos admonent, quam diverso a nostris judicio ille jam Homeri aetate, atque ante etiam, varia poesios et metrorum genera nota fuisse crediderit. Sed si modo intellexerimus, aetatem Lycurgo proximam Homero et certissime om-

*) Varia de Homeri fide historica judicia v. ap. Niebuhr. H. R. I. p. 184. ed. 2. Hoeck. Cretae 11. p. 253. Cammann. *Vorschule zu der Iliade und Odyssee* p. 87—106. et Plassium: *Versuch über den Trojanischen Krieg als historische Thatsache*, in Seebod. *Sylloge* 1828. Fasc. IV. p. 40—63.

nium et rectissime poni, ne ab illo quidem iudicio amplius abhorrebimus. Nam videtur quidem, quaecunque est de antiquissimâ poesi fama, eo nos perducere, ut omnia remotissimae aetatis genera, primo, praeter epica, paeanas et threnos, mox hymnos et dithyrambos, hexametra fuisse putemus: tamen illa opinio, qua fere alterum ex altero ducimus metrum, aut unum post alterum inventum esse narramus, vix satis recte habet. Imo quod de pentametro Thierschius Act. Mon. III. p. 583. ad alios simul versus quodammodo erit propagandum. Sed veniendum est ad alterum quoddam, quod cum nostrâ nunc quaestione conjunctius in simili iudicii discrepantiâ versatur. Nos heroum Graecorum quum omnem historiam tum mores temporum progressu a poetis varie efformatos esse existimamus; Aristoteles vero et Homerum et quemvis alium poetam, etiamsi res traditas carminibus complexi essent, mores tamen personis non variationis studio ac progressu, sed suapte arte finxisse putavit; ut exhibuerint quales vellent et consentaneum videretur. Quocirca, quum nos excipientium sese carminum comparatio doceat, Ulyssem a posterioribus demum ex prudenti vafrum esse factum, idque ab iis, qui Palamedem, candidioris sapientiae virum, in fabulam Trojanam recepissent: Aristoteli neutrum placuit. Jam videremur quidem, quam poetis in fingendis moribus concedere debemus libertatem, ad illud quoque exemplum et quandam aequalium sibi poetarum inter sese discrepantiam bene recteque trahere: sed morum mutatio e fabularum mutatione consequuta est, quam progressu quodam factam esse certis indiciis cognoscimus. Aristoteles quod insaniam ab Ulysse simulatam inter ea commemorat, quae Homerus Odysseae inserere noluerit, notam huic

fuisse fabulam sumpsit, quam a posterioribus adjectam esse testatissimum habemus. Interpolator Odysseae *ω*, 119. tantum quidem narrat, Ulyssem ab Agamemnone et Menelao *aegre* perpulsum ad belli societatem: sed Palamedem, qui tum insaniae fraudem callide arguerit, ad Trojam vero ab eodem Ulysse et Diomede sit interemptus, Cypria asciverunt (v. Proclum et Paus. X, 31, 1.); Homero ejus notitia nullo modo vindicari potest. Parum igitur accurate Aristoteles singularum fabularum aetates exegerat, communi quidem veterum vitio, in quibus nihil magis desideramus, quam vicissitudinum, per quas rerum condicio aut memoria processerit, distinctionem. Quare ne eâ quidem excusatione utemur, ut dicamus Aristotelem ista ad eandem famae diversitatem retulisse, quâ aequales etiam auctores de iisdem factis multum saepe inter se discrepent. Verum enim vero, etsi non possumus, quin alia, velut Iphigéniae illud periculum Aulidense, a posterioribus inventa esse, alia, ut armorum iudicium et Ajacis necem, multis modis variata agnoscamus: illud tamen plane verum vidit philosophus, totius belli actus et reditus illos suis jam fabulis celebratos fuisse quum Ilias et Odyssea fierent. Praeterea quod verbis ejus subest magis quam expressum legitur, id nos persuasissimum habemus: multos poetas Trojanarum rerum partes cecinisse, antequam majora illa carmina conderentur. Ergo ille vere factarum rerum plus fortasse, quam credibile est, ad Homerum auditione perlatum esse sumpsit: at delegisse poetam ex uberiore materia ea, quae Iliade et Odyssea complecteretur, docuit verissime. Abjicimus ac prorsus damnamus illud antiquioribus tritissimum, quum hic vel ille locus fabulae alicujus fons esse dicitur. Multarum rerum

apud Homerum admodum tenuis mentio est; earum hic sane auctor nobis antiquissimus exstat, ita si fabulae fontem appellare velis: ipse autem poeta e carminibus ista uberioribus delibavit, neque ex iis solum, quae de bello Trojano essent, sed ex Heracleis etiam et fortasse Argonauticis ac Thebaidibus. Omnino Homerum Iliadem et Odysseam consummasse citius quam inchoasse dixerim, atque in antiquissimae aetatis quodam termino constitutum aemulorum excitasse studia, ut antiquiorum e fabulis ansas similiter caperent.

III.

Transitum paravimus ad alteram disputationis partem, quā de praestantiā Homeri in Aristotelis locos commentandum nobis sumpsimus. Longe id nobis expeditius esset, si plura philosopho carmina in comparisonem adhibere placuisset. Nunc frustra requirimus, quid de *Epigonis* vel *Thebaide*, et de *Oechaliae halosi* censuerit, quorum fama insignis nos maxime convertit. Quanquam enim ne ista quidem carmina pervagato iudicio Homero tributa dixerim, sed Epigonos vel Thebaidem a pluribus quidem, Oechaliae vero halosin non nisi ex poeticā quadam, quae de Creophylo fuerit, famā, quam Callimachus in ejus gloriam interpretetur: nihilominus praestantiae opinionem animadvertere debemus, quae iudiciis istis inest omnibus. Ac primum nunc illorum carminum mentionem injicere ideo utile videbatur, ut lectores admoniti, quae hujus generis carmina et suis decora virtutibus et aetate ab Homero proxima Graeci habuerint, in Aristotelis condicionem illam judicandi sese magis insinuarent, eaque

bene informatâ Wolfii expenderent opiniones, etiam in Aristotelem iniquiores. Nam etsi multa, ut *Phoronis*, *Alcmaeonis*, *Minyas*, quantum ex tenuissimis reliquiis assequimur, vix ad Pisandri Rhodii et Leschis aetatem Ol. 33. rejicienda videantur: tamen ante Pisistratum et Amasidem ejus generis multa fuerunt; Epigonos vero et reliqua, quae supra posuimus, vix potuerimus quin poetis Arctini saltem aequalibus assignemus. Haec igitur omnia Aristoteles a suo quodque poetâ composita, et qualia quantaque inventa fuissent ad posteritatem tradita credidit; neque aliter de Iliade et Odysseâ statuit. Quid nos? num sejungenda ac discriminanda putabimus, quae ille uno omnia modo et inventa ab auctoribus et ad suam aetatem propagata esse in animum induxerat? Si et ratione lubricum videtur, neque historia animum facit, ut Homerum a ceteris divellamus, videant, qui antiquitatis fidem reverentur, quid consequatur. Atque illa quidem opinio satis explosa est, quâ Pisistrati aetate si Homerica, etiam ceterorum carmina primum liberis consignata esse necesse fuisset. Iam conjunctâ epicae poesios causâ ita porro quaerendum erit, ut, quae carminibus integritas, quae rhapsodorum licentia, quis et a quo inde tempore scriptorum exemplorum usus fuerit, diligenter cognoscamus. Si quid recte auguror, mirabimur in Aristotele reliquisque *λυτικοῖς*, quod interpolationis ne in mentem quidem venerit, aliorum vero errorum eos difficillime convincemus. Sed nunc ad ipsa Aristotelis pergendum est judicia. Is igitur, ut supra vidimus, in altero loco *Heraclida* et *Theseida*, in altero *Cypria* et *Iliadem minorem* cum Homericis in horum praestantiam contulit. Prorsus igitur exclusit genealogica, quae neque de uno neque de uno tempore, neque omnino de una

actione etsi multiplici fuerunt. Haec plane videtur ad historiarum genus abjecisse. Sed e ceteris quod illa maxime elegit, id ad compositionem eorum inprimis inconcinnam spectat. Ac Theseida quam dicat, ne conjecturâ quidem tuto possumus existimare. Neque tantum intelligimus, utrum antiquiorem aliquam viderit, an poetas aequales, aut se paullo priores notet, de quâ rē incautius statuit Wuellnerus de cyclo epico p. 55. ubi haec: „Unam, quae longe antiquissima videtur, Aristoteles laudat.“ Non minus dubium est, num Pythostrati illam ap. Diog. La. 11, 59. legere potuerit, vixit enim hic Epaminonda et Pelopida posterior. Denique Plut. in Thesei c. 28. ἢ γὰρ ὁ τῆς Θησίδος ποιητῆς Ἀμαζόνων ἐπανάστασιν γέγραφε, quibus verbis sibi unam tantum Theseidem notam fuisse profiteri videtur. Versus ab eodem c. 32. positos e Theseide non ascitos puto. Heracleas quot habuerit antiquitas, post Od. Muell. Dor. 11. luculentius persequutus est *A. Vogelius* in *Heracle* secundum Graecorum poetas et historicos descripto et illustrato, quem edidit Halis anno MDCCCXXX. Ex his num Cercopis Milesii Aegimium et Creophyli Halosin Oechaliae tangat nôtatio, dubitare licet; nam haec plus certe quam aliorum Heracleae unius actionis finibus circumscripta fuisse videntur. Pisander duodecim labores in Heraclea complexus esse haud temere putatur. Latissime vagatus videtur Panyasis, qui quod a Clemente Alex. Creophyli Halosin compilasse insimulatur, id non impedit quominus eum plura persequutum esse dicamus. *) Sed omittamus haec, quum de Aristotelis mente

*) De Cinaethonis Heraclea nihil liquet. Praeterea convertit Demetrii Phalerei testimonium de Demodoci Laconis carmine ap. Schol. ad Od. γ. 267. et Pseudo-Plutarchi de fluv. c. 18, 4. ἱστορεῖ Δημόδοκος ἐν αἱ Ἡρακλείας.

nulla possit esse dubitatio. Neque nunc attinet quaerere, quae ejusdem descriptionis alia mente tenuerit. Alcmaeonidem in hoc genus confidentius referat; Perseidos ap. Pseudo-Plut. de fluv. p. 461. Hutt. incerta significatio est; Meleagridem vero Antisthenis ap. eund. c. 22, 3. oratione soluta scriptam fuisse idque aetate recentiore prope compertum habeo. Convertamus igitur nos ad *Cypria* et *Iliadem parvam*. Disputationis de his instituendae condicio quam laetis studiorum fructibus quam insigniter mutata sit et in dies magis mutetur ex illâ, qua Wolfius olim et Frid. Schlegelius usi sint iniquiore, homines literatos non est, quod doceam. In qua literarum nostrarum felicitate quicunque exsultet, ne Wolfium illaudatum dimittat, cujus e seminibus haec seges omnis effloruit, quamvis ipse a veritate abfuisset. Deposuimus igitur, quem ille imbiberat, errorem, quo *Cypria*, *Aethiopidem* ac reliqua carmina Homericis cognata Procli ex argumentis existimabantur; intelleximus etiam, ejusdem Procli illud judicium ap. Photium p. 521. H. ὡς τῆ ἐπικῆ κύκλῃ τὰ ποιήματα διασώζεται καὶ σπευδάζεται τοῖς πολλοῖς ἔχ' ἔτω διὰ τὴν ἀρετὴν ὡς διὰ τὴν ἀνελκεσίαν τῶν ἐν αὐτῇ πραγμάτων, hoc non tam genuinam integrorum carminum formam, quam decurtatorum illam collectionem spectare, et utentium magis studia quam ipsorum carminum conditionem referre. Porro etsi nequaquam jam effectum est quod ad judicandam Homeridarum illorum poesin requirimus (scitissime adumbratum ab Ahrensi in Iahnii annal. philol. XIII, 2. p. 185.), tamen multorum monitis in agnoscendas eorum virtutes satis erecti sumus. Sejungamus igitur hanc quaestionem ab alterâ, quae adhuc per miras turbas agitata multos transversos egit. Mittamus in praesenti,

cycli et cyclicorum nomen quando primum et quam varie positum sit, circumspicere, id enim scire ad ipsorum carminum cognitionem plane supervacaneum est *): unum teneamus, quod jam in Meletematum de historia Homeri Fasc. I. p. 113—118. et 152 sq. a me demonstratum Trojani cujusdam cycli opinionem habet **), Trojanæ fabulae poetas, quum in conterminis Iliadi et Odysseae argumentis elaborarent, iniquiore quidem condicione neque pari ingenio, at aemulatos tamen esse Homerum haud inscite. Hoc obtinere studentibus tantum abest, ut obroget Aristoteles, ut satis humane in partes venturus videatur.

IV.

Ad pensitandum Aristotelis judicium nihil nobis adjumenti suppetit, nisi Procli argumenta et tenues quaedam carminum reliquiae. Nam quod Herodotus II, 117. novit, qui Cypria Homero inscriberent, et si qua alia ejusdem opinionis indicia sunt, aliquantum sane laudis carmini ex eo conciliare possumus, sed de complexionis arte nihil

*) Disquisitionis justae spem fecit summus Lobeckius in Aglaoph. p. 417.

**) Memorabile mihi visum est Scholion, quod Osannus primus edidit repertum in cod. Parisino, ad Clem. Al. coh. ad Gr. p. 19 A. Κύπρια ποιήματα εἰσιν τὰ τῆ κυκλῆ περιέχει δὲ ἀρπαγὴν Ἑλένης ὁ δὲ ποιητὴς αὐτῶν ἄδελφος εἰς γὰρ ἐστὶ τῶν κυκλικῶν κυκλικοὶ δὲ καλεῖνται ποιηταὶ οἱ τὰ κυκλῶ τῆς Ἰλιάδος ἢ τὰ πρῶτα ἢ τὰ μεταγενέστερα ἐξ αὐτῶν τῶν Ὀμηρικῶν συγγράψαντες.

inde discitur. *) Primum autem omnium videamus, qua ratione Aristoteles carminum illorum actionem multiplicem censeat. Manifestius hoc in sola Iliade parva cognoscere licet. Ex hac enim quot tragoediarum argumenta desumi possent, indice posito dinumeravit. Sed quum verba ipsa incuriam quandam annotandi referant, quomodo singulas fabulas descripserit, et quid ex isto recensu ad judicandam epopoeiae complexionem recte ducamus, non satis expeditum est. Potuit aut nullâ fabularum, quae exstabant, ratione habitâ carminis partes ad suam, quam de actionis integritate et ambitu definierat, doctrinam dispescere, aut fabularum, quas tragici vere exhibuerant, siue omnium siue quarundam multitudinem demonstrare, aut denique epopoeiae decursum ita sequi, ut eas ex pluribus eligeret tragoedias, quae illius fabulas aptius retulissent. Ex his rationibus dubium non est quin tertiam amplexus sit; nam nomina posita et cum Procli argumento congruunt, et fabulas denotant a poetis itidem inscriptas (v. Hermann. ad. l. p. 170.); neque omnino videtur ejusmodi titulis partes carminis significaturus fuisse, nisi ipsae quae exstarent fabulae succurrissent. Attamen ne hunc quidem divisionis modum accurate tenuit, aut tenere potuit, quum semel tragicorum nomenclaturam adhibuisset. Nam priora quidem vocabula, Armorum judicium, Philoctetam, Neoptolemum, ita posuit, ut eas partes, quas alii poetae sub aliis nominibus tractassent, disertius insigniret: sed saepius tamen

*) Pindarus quid de Stasino Homeri aemulo, dixisse videatur, explicui in Meletematum Fasc. I. p. 119. et Encyclop. Halensi s. v. Odyssea. Neque Platonem in Euthyphrone illâ τῆ ποιητῆ significatione Homerum denotare arbitror.

alter in alterius provinciam venerat, aut altero plura erat complexus, quod in Ilii Persidem certe cadit. Deinde negligenter Aristoteles adscripsit earum fabularum nomina, quae in eâdem plane in quâ ante dictae parte versabantur. Itaque ille neque exactam satis rationem instituit, et institutam ipse quodammodo turbavit, utroque autem impedit, ne nos nunc Iliadis parvae formam ex titulis istis bene possimus existimare. Nihilominus, quae legimus, omnino in nostros usus sufficiunt. Nam si ipsam quaerimus judicandae actionis legem, quam Aristoteles adhibuit, dinumeravit is carminis partes et factas ex iis fabulas tot fere numero, quot *περίπληκτας* exempla a poetis excerpta et tractata videbat. Sin epopoeiae ambitum cupimus cognoscere, primum ex istis verbis dudum intelleximus, Iliadem parvam ab eo belli statu profectam, quum Achille sepulto in armorum iudicio Ulyssis sive virtus sive versutia vincta mox in primis valitura, longe ultra Procli fines usque ad eversam Trojam et ipsum Graecorum discessum esse progressam; ut quum initium haberet ex eo, quod Aethiopidi extremum erat, eadem persequuta sit, quae Arctini Ilii Persis. Deinde medias quoque partes in universum adumbratas legimus. Jam vero norma Aristotelis ipsa consideranda est. Haec ultro ei subnata est ex illa actionis integritate et congruentia, quam fabulis tragicis et epicis eandem proposuit: ita vero ut faceret, historia eum magis et externa utriusque poësis condicio, maximeque argumentorum communio adduxerat, quam Homericæ artis admiratio cupidior. Quod nunc breviter positum, alias explicabimus uberius. Sed quod saepe usu venit, ut doctrina adstrictior exempla parum recipiat, id in hac quoque accidere videmus. Ex eo, quod tragici

Iliadis parvae partes in magnum fabularum numerum converterant, colligit Aristoteles, ejus actionem minus esse congruam. Haec conclusio probabilitatem habet, necessitatem nullam. Primum enim exigi oportuit, quam recte tragici illis partibus usi essent; deinde quam partem tragicus in peculiarem actionem conformavit, ea in epopoeiâ aut in factorum serie gravioribus subjecta et alterum aliquem in finem intenta esse potuit. Itaque ipsa certe ratio, quod debebat, non valet. Verum enim nos ita judicamus causâ quasi incognitâ; ipsum enim carmen quo modo singula temperata habuerit, non licet considerare, consideraverat autem Aristoteles. Igitur par esset sensum quendam in judicium assumere, quem ex lectione ille traxisset, nisi ipse sibi adversari videretur. Alio enim loco (c. 18.) epicam et tragicam compositionem accurate distinguit, neque solum totam Iliadis fabulam unâ tragoediâ comprehendi vetat, sed etiam Ilii Persidem. Idem c. extr. s. fin. ex unaquaque epopoeia plures tragoedias fieri dicit; unam enim si epici fabulam effingant, carmen aut longitudinem justam non habiturum esse, aut, eam si efficere velint, languidum evasurum. Sin plures conseruerint fabulas, non unam amplius futuram esse actionem: ut Ilias et Odyssea multas contineant partes, quae etiam per se suam habeant magnitudinem. Quanquam haec poemata, quantum genus epicum recipiat unius actionis imitationem, optime composita sint. Cum his ita positis qui convenire dicamus illa, quae cap. 23. leguntur in quo maxime versamur: optime fecisse Iliadis poetam, ut qui unam belli Trojani partem selegerit; ita ex Iliade unam aut duas fieri tragoedias, itemque ex Odyssea; ceteros epicos multarum partium actiones concinnasse, velut Cypriorum et

Iliadis parvae auctores? Intelligimus, opinor, eum ista omnia in hoc intentum disputasse, ut tragicos poetas praeceptis instrueret, quos ex epicis carminibus argumenta sua repetere tantum non omnes vidisset. Bene perspectam habuit tragoediae commotiorem, intentiorem, adstrictiorem naturam; leniorem, remissiorem epopoeiae. Diversam utriusque vim ac rationem in iisdem saepe fabulis sensit. Laborabat autem de magnitudinis aut justae compositionis lege, quam solis exemplis aestimabat, aut in universum recte positam ideo non satis accurate tenuit, quod, quum illa ex fabularum momentis apta esset, haec momenta etiam in epopoeia ad tragoediae naturam revocavit. Nos cum ipso fabula quid sit, in universum ex condicionis unius caussis, quibus principium et exitus constet, existimandum censemus. Sed jam dissentientes ex eo requirimus, qua ratione Neoptolemum, Philoctetam, Eurypylum propriarum fabularum nomina ponat, ubi epopoeiae actio quaeratur. Rursus tamen eum justae aliquid si non rationis at observationis sequutum esse largiendum videtur. Ex Iliade et Odysseâ quod unam aut duas ex utraque tragoedias fieri iudicavit, hoc ita dixit, si tragoediae illae ipsam factorum seriem aut summam utriusque carminis complecterentur (v. Herm. ad l. p. 169.). Parum igitur recte aliquis etiam Meleagrum et Bellerophontem fabulas ex Iliade sumi potuisse objiceret propter ζ, 166 sqq. et ι, 527 sqq. Jam illud ipsum, tragoediam ut aliquis fingat ex Iliade unam aut duas, priore illo loco c. 18. eo praecepto adstringit, ut ne tota Iliadis, quae per ambages progreditur, fabula comprehendatur; tragoediam enim τὸ ἀδρῶντερον requirere. Ergo unam dixisse videtur, qualem Welckerus non sine audacia Aeschyli Myrmidones fuisse conjecit,

alteram fortasse Hectoris Lutra: male enim, si quid sentio, idem Welckerus tum Nereidas exornavit a se interpositas, tum (p. 458. *Trilogiae*) fabulam alteram ex partibus secundariis putavit repetendam. De ejusmodi partibus ac singulis quibusdam, quae a tragicis excerpi et in justae fabulae modum conformari possint, Aristotelem cap. extremo loqui suspicor. Nihilominus, dum has respicit, tenet illum sensum, quo Iliadem unam conficere actionem dixerat, itemque de Odyssea. In his quid viderit, ipsi possumus existimare; in Iliade minore divinamus eum requisivisse eam implicandae actionis artem, ut partium illa varietas auditorem non destitueret. Atque eadem Cypriorum fuerit compositio, quorum exordium de Welckeri sententiâ Trilog. p. 29. bene definit Ahrensius Jahn. Annal. XIII. 2. p. 194. exitum vero p. 200. et 201. non recte interpretatur. Quamvis enim novam Jovis βελην Cypria fingant, atque in alium plane finem vertant irati Achillis secessionem: hoc tamen invento ad sollicitandum Iliadis exordium abutendum non est. Causa belli, quam Cypria habent, in cujus usum etiam Helena Nemesios filia esse fingebatur, tristitiâ suâ ac gravitate ab aetatis Homericæ ingenio et Iliadis omni sententiâ mirum quantum abhorret; ut per se plane incredibile sit, veterem aliquam Iliadis formam illis Cypriorum quasi auspiciis unquam respondisse. Non magis cycli illis collectoribus hoc imponendum est, ut consertorum carminum etiam sententias sibi attemperarint; neque, si quid ingenitum erat discrepantiae, illi hoc tollere potuerunt aut curarunt; quorum unum erat, variorum poetarum carmina, varia illa ac saepe tum fabulis tum sententiis discrepantia, ita contexere, ut rerum gestarum perpetuitatem servarent.

Praeterea decurtatum aut deformatum esse argumenti Procliani finem, prope certum videtur; neque aliunde id damnum tuto reparare possumus. Aristoteles igitur satis habuit, Cypria breviter commemorare in exemplum carminis, quod in primis multiplex tragoediis materiam praebuerit plurimis. Culpam ejus rei omnem in poetae ingenium contulit. Nos praeterquam quod variarum partium compositionem certe ex Proclo satis cognosci posse non credimus, excusationem aliquam poetae quaerimus ex argumenti condicione, aut culpam illam ita conformamus, ut eum materiam sumpsisse dicamus, quae varietate congruentiam ipsa respuerit. Sed subnascitur nobis haec disputantibus alia cogitatio. Non possumus praefracte negare, si quis Cypria et Iliadem parvam ideo potissimum commemorata dicat, quod ex iis ipsis tragoediae plurimae effictae fuissent. Sed, si ea res aliquam ad Aristotelis judicium probandum vim habuit, ceteris carminibus, quae ille sententiae suae confirmandae minus adhibere voluit, ex eo silentio laudis aliquid conciliare licebit; aut, si minus tuto praestantiae capimus conjecturam, utile certe erit, reliquorum quae e fabula Trojana in cyclo fuerunt compositionem, quantum eam nunc existimare possumus, et cum Cypriis et Iliade parva et cum Homericis conferre. Neque enim Aristotelis illa judicia, quibus Iliadem et Odysseam compositionis praestantiam super omnia epicorum aliorum carmina efferens, cetera eodem omnia loco habere videtur, nos impediunt, quominus tum quaedam ad illarum artem propius accessisse demonstramus, tum ipsa inter sese varie discriminemus. Atque hac denique disputatione, etiam de Iliade et Odyssea quid ille recte viderit, accuratius demonstrabitur.

V.

Persuasissimum habemus considerate Aristotelem ac merito etiam descriptionis laudem carminibus Homericis praecipuam dedisse. Observaverat, Odysseam, statim ab initio in exitum intentam, eo artificio Ulyssem in adumbratam prioribus libris condicionem adducere, auctaeque sensim culpa vindicem sistere, ut cum hujus operis complicatione ac sollertia nullum posset carmen comparari. Iliadem vero viderat eam belli Trojani condicionem habere, quae a primis irae causis profecta omnibus ejus effectibus exhaustis in Achillis animo ad humanitatem revocato compositoque Hectoris funere consisteret. Quod non ita dicimus, quasi Achillis ira *insit* omnibus, quae per Iliadis progressum eveniunt: at *subest* tamen. Per irae ac secessionis illius tempora hand inermes sunt Graeci; prodeunt atque excellent alii propugnatores. Nihilominus Trojani, quod volunt, mox in eo sunt ut efficiant. Jam tempus erat, ut Achilles communi saluti omnem dolorem remitteret: compos erat voti. At ille ne nunc quidem a se impetrat, quod par erat. Ipse dum animo implacabili se aliquando laesum dolet, suorum periculis amicum permittit dicam an objicit. Ita sibi irasci incipit. Atque hic demum locus est, quo tragicoam Ilias naturam induit; hic enim Achillem sistit cum nobilis causae excusatione at noxam tamen subeuntem. Hoc igitur unum fuit argumentum; quod Aristoteles ex Iliado desumi posse vidit primum; accedebat secundarium, Hectoris Lutra. Item Odyssea unam tragoediae praebuit Ulyssis reducis ultionem; cui iterum simili ratione accedere poterat Telemachi periculum, si quis huic primas tribuere volebat. Hanc utriusque carminis rationem qui bene con-

sideraverit, non poterit negare, condicionis, quae in illis explicetur,
 congruentiam, si isto modo ad tragoediae normam exigatur, optime
 sentiri. Nam carmen, quod ab ira Achillis profecit, nemo eo
 tempore finiat, dum Diomedes aliique rem Graecorum aliquatenus
 sustinent; neque Odysseam terminandam censeat, dum Telemachi
 reditus in congressum cum patre differtur, Ulysses vero ipse se per
 Phaeacas domum deductum iri sperat: sed Ilias eo demum loco in
 finem suum intenditur, quo Achillem justissima caussa ad deponen-
 dam iram hortabatur, Odysseae vero consummatio praeparatur, quum
 Ulysses in patriam redux vindicandae domus consilia init. Ergo bene
 observaverat Aristoteles, utrumque carmen eo maxime loco necti ac
 contineri, qui tragoediae initium haberet. Ultra vero eum sequi at-
 que omnino carminibus epicis eandem proponere compositionis legem,
 quam tragoediae, si hoc revera voluisset, non possemus. Sed, quod
 ille ipse satis videtur sensisse (v. c. 27.), epopoeiae explicatio saepe plu-
 rium casuum momenta pluriumque deinceps hominum ad affectus nostros
 magnitudines recipit, si modo certa subsit condicio, in certâ aliquâ s.
 affectione s. voluntate atque appetitione posita. Hanc condicionis con-
 gruentiam optimum quemque epicorum vere sequutum esse, satis
 potest praestari. Quanquam qui ante Homerum heroum labores ce-
 lebrarunt poetae a compositionis arte rudiores, singula singulis ad-
 jicientes non solum de Argonautis et Thebarum expugnatione, sed
 etiam de Herculis rebus gestis et de bello Trojano magnam fabularum
 copiam persequuti erant, a quarum varietate posteriores sibi saepe
 non satis temperarunt. Ac belli Trojani historia ita creverat, ut,
 quum Oechaliae et Thebarum expugnationes in unius carminis sum-

mam facile cederent, illius quinque et amplius actus numerari possent. Numeramus autem haec ejus tempora condicionis diversae ac propriae: Primum habet belli primordia et proelia cum rapinis, quibus Trojae vicinia infestatur, donec ipsi urbi propius accedunt; secundum continet Achillis secessionem et summam gloriam Trojanorum et Hectoris, quem ille, Patrocli morte tandem excoitatus, saevissime conficit; sequitur tertium, quod ab Hectoris funere ad Achillis exsequias junctamque his Ajacis necem pertinet. Jam utriusque partis fere fortissimo quoque caeso, aut certe iis absumptis, qui vi ac fortitudine victoriam in alterutros vertere potuerunt, res fato concedit. Quod postquam mox Paridem, belli auctorem, oppressit, diique extremum de leniore in Trojam sententiâ consultarunt: evalescentibus Minervae studiis dolisque Ulyssis urbs obsidione clausa expugnatur. Haec ipsius expugnationis condicio quartum tempus conficit, quod deinceps excipit quintam, reditus victorum infaustos complectens Cujus materia in Ulyssis et ceterorum reditus dispescitur. Jam dadum sentio, quam diversam ab aliorum suspicionibus disputationem inpatuerim; sed audiant perorantem, et videant, quid sequar. Primum igitur Iliadem et Odysseam ipsas testari arbitror, antequam fierent, multa fuisse de singulis belli Trojani temporibus carmina. Neque enim tunc demum omnino fictas illas fabulas esse in animum inducet quisquam, neque Homerum opinabimur solam famam et audicionem sequutum esse *). Etiam si igitur ea aetate, quae inter Home-

*) E singulis locis, qui aliorum temporum mentionem habent, dubitavi de Achillis et Ulyssis altercatione Od. 9, 75 sqq. quorum pertineret. Nunc illo *Jeân év*

rum et Arctinum Stasinumque media est, fabulae multis modis exornatae sint, quod factum esse Cypria maxime produnt (Telegonia enim prope tota a recentioribus conficta videtur, cfr. Welcker. Trilog. p. 464.): tamen jam Homero variorum fuit temporum optio. Elegit autem, si utriusque eum carminis auctorem esse credimus, primum ex ipsius belli historiâ tempus multis nominibus gravissimum, quo summi ducis injuria fortissimum omnium in otium Graecis funestissimum summoverat, quo Hectoris eminuit virtus, quae ipsa tandem amico dulcissimo orbatum Achillem ad pugnam saevissimamque ultionem concivit. Nulla alia pars belli tam certâ condicione nitebatur, tamque peculiare habebat ingenium. Multo tamen maxime poetam animorum illi aestus atque illa opportunitas iuvisse videtur, qua

δαιτὶ θαλερῇ prope adducor ut rem ad illud tempus referam, quum Graeci primum Tenedum appulerant, mox in Trojae oram trajecturi. Nam Cypriorum argum. haec habet: ἔπειτα καταπλέουσιν εἰς Τένεδον καὶ εὐωχεμένων Φιλοκτήτης ὑφ' ὕδρε πληγείς διὰ τὴν θυροσμίαν ἐν Δήμῳ κατελεΐσθαι· καὶ Ἀχιλλεύς ὕστερον κληθεὶς διαφέρεται πρὸς Ἀγαμέμνονα. His adhibeo Fragm. Sophoclis, quod Σύνδειπνος septimum numerant ap. Plut. de adul. c. 51. ὡς δ' παρὰ Σοφοκλεῖ τὸν Ἀχιλλέα παροξύνων Ὀδυσσεύς, ἔφησιν ὀργίζεσθαι διὰ τὸ δεῖπνον, ἀλλ' Ἡδῇ, Φησί, τὰ Τροίας εἰσορῶν ἐδώλεια Δέδοικας. v. seq. Haec manifesto indicio ad illum Cypriorum locum nos deducunt; nam in Trojae conspectu convivium est, et Agamemnoni Achilles propter convivium irascitur, cui sero adhibitus discessum minatur. Ita istis eum Ulysses opprobriis increpat. Ergo nihil recte Welckerus in Addit. ad Trilog. p. 170. Σύνδειπνον addendum esse fabulis, quas Sophocles e Cypriis desumpsit (v. Henrichsen p. 87.), certissimum est; num Odysseae illud νεῖχος idem sit, dubitare licet. Potuit Stasinus rem paullo aliter conformare, ut minus agnoscerent posteriores. Cfr. Athen. I. p. 17 E.

impotentia animi quantum damni ferret docere, suamque expromere humanitatem potuit. Ergo non Achillem laudare voluit, neque ipsum solum inter Achillem et Agamemnonem dissidium narrare, sed tempus belli, quod iram habuit, ab antiquiore aliquo poeta fortasse minus concinne narratum suâ virtute conformatum extulit. Qui num minoris ambitus Iliadem primum effinxerit, aut quos, si forte, locos posteriorum sedulitas genuino carmini inseruerit, alius quaestionis est excutere; verum aliam plane descriptionem nemo certe extundet. Quantum Iliadis tempus ceteris, quae ipsius fuerunt belli, antecellit, tantum Odysseae argumentum, et plus etiam, communibus ceterorum heroum redditibus praestat. Haec duo carmina postquam aliquantum temporis exstabant — quanquam non tantum distant, quantum vulgo putantur —: alii poetae Homerum aemulantes de reliquis temporibus meliora antiquioribus carmina composuerunt. Stasinus in Cypriis primum, Arctinus in Aethiopide tertium, in Perside Ilii quartum fecit, aptiore usus descriptione quam Lesches, qui idem in Iliade parva tractavit; denique Hagias Troezenius quintum complexus est. E quibus Arctinum et Stasinum unius ejusdemque aetatis, Hagiam Troezenium illis supparem fuisse arbitramur, Leschem vero ceteris omnibus haud paullo minorem. De his igitur ut vere recteque statuere discamus, singula excutienda et cum alteris componenda sunt. Prima autem disputatio sit de Nostis s. eo carmine, quod Hagiae Troezenio a Proclo inscriptam redditus heroum, Minervae irâ infelices, habuit. De quo quum ea adhuc obtinuerit opinio, ut disjectorum heroum casus ipsâ partium diversarum disjunctione referre ac sequi videretur: intentior quaestio non eam quidem congruentiam demon-

strare poterit, quam postea in Arctini carminibus deprehendemus, a qua ipsum Nostorum argumentum non minus abhorret quam Cypriorum, at aliquanto tamen plus reperietur, quam incuriosis adhuc inesse visum est.

VI.

Quum multa sint in Homericis antiquiorum carminum indicia, tum antiquius, quod de redivisibus fuerit, carmen Odyssea manifestissime demonstrat, cujus in versibus γ, 135 et 136. Grotefendii subtilitas ipsum exordium antiquiorum Νόστων agnoscere posse vidit hoc:

Μῆνιν ἄειδε, θεά, Γλαυκῶπιδος ὀβριμοπάτρης,
ἣτ' ἔριν Ἀτρεΐδῃσι μετ' ἀμφοτέροισιν ἔθηκεν.

Simili initio usum esse Hagiam consentaneum est *). Nam illud quidem certissimum est, Minervae iram carmini isti ita quasi prae-fuisse, ut primum heroas Atridarum dissidio divideret, deinde, aliis periculum imminens celeri navigatione effugientibus, aliis mare infestum terrestri evitantibus itinere, in Ajacem Locrensem maxime et Agamemnonem cum aliis quibusdam ingrueret. Verum omnem Νόστων complexionem accuratius cognoscere cupientibus multae suboriuntur dubitationes. Quas antequam paullo diligentius componere studeamus, quam in Meletem. Fasc. I. p. 117 factum est, etiam de Ulyssis redivis a ceteris sejuncto et Odysseae ad Nostos rationibus breviter sed

*) Apud Proclum hoc initium est: Ἀθῆνᾳ Ἀγαμέμνονα καὶ Μενέλαον εἰς ἔριν καὶ ἰστοῖσι περὶ τῆ ἐκπλῆς.

diserte videtur profitendum. Hagiam Tróezenium sibi tantum sumpsisse, ut Ulyssis erroribus repetendis cum Homero contenderet, adeo ab universa aemulorum istorum ratione alienum est, ut vel testem locupletissimum aegre essemus audituri, si aliquis exsisteret, qui nunc nullus est. Neque ille omnino Ulyssem aliter carmini implicuit, nisi quod eum (sub discessum Agamemnonis, quocum remanserat, Od. γ. 162 sq.) a Trojae littore Ismarum iter flexisse narravit, ubi eum Neoptolemus offenderit *). Quodsi in Hagiae Nostis locus Ulyssi praeterea nullus fuit, in antiquioribus ejus reditum cum ceteris conjunctum fuisse non magis probabile est. Omnia enim ita nobis persuadent, ut eum circa Ismarum commoratum esse putemus, quum ceterorum postremos tempestas a Minerva immissa attigerit. Neque quisquam e Mercurii, multa callide tegentis, sermone (Od. ε. 108 sq.) aliam, quae antiquior fuerit, fabulae formam effinxerit. Sed isto, quo

*) Eustathium, quum ad Od. p. 1796. scriberet ὁ δὲ τὰς Νόστας ποιήσας Κολοφώνιος Τηλέμαχον μὲν Φησι τὴν Κίρκην ὕστερον γῆμαι, Τηλέγονον δὲ τὸν ἐκ Κίρκης ἀντιγῆμαι Πηνελόπην, per errorem, quae Proclo teste in Telegonia Eueammonis fuerunt, tanquam in Nostis tradita retulisse, Muellerus de cyclo p. 134. judicavit. Ac recte ille profecto, quod ista in Nostis fuisse negavit. Verum quum Eustathius Colophonium aliquem narret, ne mera somnia loquutus esse videatur, ego quidem alium quendam subesse suspicor, qui Νόστας soluta oratione ita persequutus sit, ut Ulyssis reditum, ac deinceps e Telegonia ejus fata extrema filiorumque connubia simul complecteretur. Quidni enim Anticlidis Atheniensi, qui septuaginta octo amplius Νόστων libros scripserat (Athen. IX. 384 D.), Lysimacho Alexandrino, aliisque id genus etiam Colophonius nescio quis accedat? praesertim quum Eustath. eodem l. Lysimachum ipse citet.

dixi, modo jam ante Homerum Ulyssem, Minervae carissimum, ab Agamemnone et Ajace se junctum esse putamus. De ejus ipsius autem erroribus num aliquod aut quale fuerit carmen Odysseae antiquius, frustra conjectando assequi annitimur. Tantum videmus, in Apologo, quem Homerus ex suae Odysseae descriptione ab ipso narrari fecerit Ulysse, aliis narrandi formae ne minimum quidem superesse vestigium. Sequitur, ut interposita de fontibus Nestorum admonitione ad ipsum Hagiae carmen revertamur. Arctinus, quod infra demonstrabitur, de reditu victorum in fine Persidis suae breviter adjecerat. Ex quo conjecerit aliquis, peculiare de heroum reditibus carmen ante Hagiam omnino nullum fuisse. Sed hoc mihi, quum Odysseae mentiones considero, obtineri non posse videtur. Neque minus dubium illud est, num praeterea de singulorum quorundam itineribus unum alteramque fuerit carmen, ex quo Hagias de Neoptolemo, si forte, aut de Calchante fusius dicere potuerit. De certamine, quod Calchas apud Colophonios cum Mopso vultu inierit, mentio erat in Hesiodeis, quae Strabo legit XIV. 642. s. 178. Verum nihil hoc ad nostram causam. Neque, si diversissimae civitates tum Aeolidis aut Ioniae, tum Italiae, tum Cretae, vel Agamemnonem, vel Philoctetam, vel Diomedem, vel Menestheum, vel adeo Pylios Nestoris suos conditores ferebant, id magis mihi persuadet, ut vetera carmina de novis horum erroribus narrasse credam, quam e fabulis, quae varia loca Italiae ab Ulyssis sociis condita perhibent, conjecturam carminis epici capio, quod Ulyssis errores aliter exornaverit. Si a Stesichoro discesseris, de cujus Nestis e Tzetza et Pseudo-Phalaride certius conjicimus, aliorum carminum nullum usquam vestigium est, neque antiquiorum neque

recentiorum quam Hagiae Nosti fuerunt: sed unum fuisse carmen Nestor antiquius, qua Hagias usus sit, propterea sumimus, quod Hagias in suo carmine eorundem heroum reditus extulit, de quibus in Odyssea mentio est, alia autem ratio, qua illum consensum rectius explicemus, suppetit nulla. Nam neque Hagiam ea solam persequentum esse credibile est, quae in Odyssea breviter posita reperisset, neque Homerum nihil nisi famam sequentum esse, nec denique priores Odysseae libros post Hagiam demum esse confictos. Iam de Nestor complexione probabiliter disputandum est, quam Procli brevis ita obscuravit, ut conjecturis aliquid tribuere necessarium videatur. Ac primum certissimum quidem est, si in illum, in hoc carmen quadrasset Aristotelis illam notationem, quae cetera *πρὸς τὰς ἡρώων καὶ πᾶσι πρὸς τὸν πολέμῳ* composita esse diceret. Rursum tamen jam dudum intelligimus, longissime a vero eum aberrare, si quis nullo adhibito neque temperamento neque vinculo Nestorum tot partes diversas et inaequales fuisse putat, quot heroes diverso itinere diversaeque fortunae reditum tentarent. Dissociat dea Atridarum animos, quorum Agamemnon non ante tela danda putat, quam illam propter absolutam Ajacem exacerbata placarint, Menelaus iter maturat. Cum Menelaus Nestor et Diomedes ventiant, quorum uterque cito et bene demum periculis imminentem a dea tempestatem effugit, ut de his poeta brevissime perorare potuerit. Quae res ita comparata est, ut illud dissidium prope ab ipsa dea in horum salutem institutum intantumque pates. Proxime post istos Menelaus iter ingressus tempestate in Aegyptum actus est: quem non magis tum longa narratione circum extremas oras ductum esse arbitror, sed paucis eo dimi-

cum, unde in fine carminis repetendus erat. Ne illa quidem, quae in Odyssea de Menelai gubernatore in Sunio ab eo sepulto leguntur (γ, 278 sqq.), in Nostis fuisse videntur (v. Paus. X, 25, 2). Illis ita summotis Calchas cum Leonteo et Polypoeta (mare etiam ipsi reformidantes) terrestri itinere Colophonem deducebantur, ubi Calchas (non Tiresias) mortuus et sepultus est. Quem locum si ab Hagiis non nimis exornatum esse iudico, illud saepius, quod adhuc omnia eo contineri video, ut, qui Menelai consilium amplexi essent, ab alteris sejungerentur. Nunc enim demum ad graviores propriamque partem progrediebatur carmen. Agamemnon, qui cum eo remanserant, Ajax Locrensis, Ulysses, Neoptolemus, alii, perfecto sacrificio discessum parant. Sub ipsam profactionem (quum defunctis sodalibus extremam valedicturi ad tumulos accessissent) oblata Achillis umbra eos retinere studet, quae eventura sint praedicens. Ab hoc inde loco quâ viâ et implicatione processerit carmen, divinare tantummodo possumus. Neque tamen deest ratio a conjectandi temeritate satis remota. Recte enim suspicabimur, Proclum mentionibus brevioribus omissis eo quemque loco disertius potuisse, quo poeta pluribus de eo egisset: deinde, quum eum notissimas quasque personarum comprehendere, transitiones vero omnino nullas demonstrare videamus, illud quoque recte animadvertere videtur, Agamemnonis necem, ut ipso tempore sic carminis serie se junctam, in Procli excerptis cum Orestis ultione coaluisse. His suspicionibus admixtis, quis qui sperneret, qualique potius quam caute de arte postae statuisse videretur, cursum habentem satis expeditum. Achillis ista coheratio partim valuit, nisi quid Neoptolemus, dum vehemens ille Ajax

nefarium caput deae poenis objicit, neque Agamemno procrastinandum putat, dubitandus subsistit, Ulysses vero satius habet, partis opibus e Ciconibus aliquid praedae adjicere. Ita remanente Neoptolemo, divertente Ulyssae, ceteri, Ajax et Agamemno et si qui non nominati etiam tum restabant, recto itinere versus Bubocam tenent. Iam ingruit tempestas et Cepharearum rupium illa clades, quas Hagias quoque Graecis Nauplii dolo infestiores reddidisse videtur; Nauplium enim in Nostis commemoratam praebet Apollod. 11, 1. p. 87. Oppressit clades ista e nobilioribus unum Ajacem; ceteri quamvis jactati procellis suam quisque demum pervenerant. Plurium hoc loco mentiones requirimus, velut Idomenei, Philoctetae (Odys. 7, 190 sq. coll. 8, 496.) et Teneri, quanquam de hoc an nulla fuerit in Nostis memoria disertior, dubitare licet. Sed, etiamsi singulos multos in patriam postea deduxerit, eminebat sine dubio Agamemno. Ad cujus caedem narrandam potuit quidem Hagias etiam a Nauplii simultate proficere, si jam tum fuit fabula, quae uxorum relictarum fidem maritis suspectandis sollicitasse apud recentiores fertur. Quanquam neque id ipsum admodum credibile est, et Agamemnonis adventum, tametsi Nauplio nihil intercedente, Aegisthi facinus ultro sequebatur. Huic vero ipse ut proximum locum assignemus, quanquam tacente Proclo, multa pervadent, quae postmodo disceremus. Nunc probabilissimè quodam jure sumimus, cum fuisse carminis decursum, ut Agamemno statim, toleratâ Iunonis ope tempestate domum delatus, in Aegisthi scelerataque conjugis epulam illud faustum incurrit. Et, si Homerum vel Nostor antiquiores sequebatur Hagias, Clytemnestra quidem de Cassandra maxime pollicent sacris (v. Od. 11, 421. coll. Quaest. Hom. Spec. I. p. 32. et Eur. El. 1032.)

Neque dissimile est veri, in Nostis, non aliter quam in Odys. II, 37. Jupiter refert, (agente maxime Junone) missum esse Mercurium, qui Aegisthum intentâ Orestis ultione a nefario consilio revocaret. Ita, quod sub finem carminis narrandum susceperat, commodo poeta loco praedixit. Denique trucidati Agamemnonis umbram vix mihi tempero quin a poeta ad inferos perductam suspicer, quae suspicio unde mihi subnata sit, infra docebo. Ab Agamemnonis necē (nisi a Neoptolemo quadam) i. e. ab exitu ejus, qui Achillis vaticinium contempserat, carmen ad Neoptolemum rediit Trojae in ora relictum. Hunc deliberantem, quo modo patris monitus exsequeretur, confirmavit Thetis, quae cum sedes patrias terrae petere jussit. Itaque per Thraciam pergens quum viso in Mareonâ Ulyse viam persequeretur, nescio quo loco defunctam Phoenicem sepulcro candidit. Quo facto ad Peleam pervenit, ab eoque agnitus est. (Hoc extremum male Proclus his verbis narrat: αὐτὸς δὲ τῆς τῆς Μελέσσος αἰφνιδίως ἀνέγνωσεν. Pind. Vix enim fando accepimus, Melossum ipsos in Philide in Epirum demigrasse, neque aliud quidquam potest subesse, nisi error, quo ille Hagiæ fabulam cum alterâ confuderit, quae est ap. Pind. Nem. VII, 37 (56) et Dissen. ad eum l.) Hac igitur, quae de Neoptolemo facta, parte poeta octasum Agamemnonis ab Orestis ultione junxit. Quod tempore explendi artificium interfecerunt enim septem anni (Od. γ, 305.) — quamvis ad rei veritatem parum idoneum, ad poetae licentiam quodammodo supervacuum sit: negari tamen non potest, auditorem ejusmodi intercapedine admodum facillime se pati ad tempus aliquot annis posterius tradere, quam in narratione continua. Adde, quod iter Neoptolemi sane

longum erat; adde denique, quod a Neoptolemo etiam ad Orestem Menelaumque transitus aliquis fuisse videtur. Nam primum, quod in *Odyssea* δ, 5 sq. breviter positum apud Enripidem in *Andromacha* aliosque exornatum legimus, Menelaum filiam jam in Troade Neoptolemo despondisse, id mirarer nisi Hagias in aliquam nectendarum rerum viam conformasset; nam fuisse in Nostis istas nuptias postmodo probabile faciam. Deinde Orestes ipse et Pytho succurrunt; Pythii enim ad aras Neoptolemus, quum deo praedae partem offerret (*Pind. Nem.* VII, 41 (60), cum illo de ultione deliberante congregi potuit; Orestem autem a Phocide cum Pylade Mycenae venisse, et Proclus e Nostis refert, et jam Homerus audierat, si quidem verissime Zenodotus *Od.* γ, 307. ἀψ' ἀρ' Ὀρέστην scripserit videtur. Quodai Hagias de Oreste et Pylade, quo modo consilium et inierint et patravissent, fusius debuit exponere: Procli illa breviloquentia, qua Neoptolemi reditu narrato tribus verbis ultionem ponit, ea nos non potest detertere, ne expeditiorem aliquem a Neoptolemo ad Orestem progressum fuisse putemus. Sequebatur igitur caedes Aegisthi et Clytemnestrae, quibus deinceps Orestes exsequias fecit. Quibus quo die Orestes operabatur, eodem Menelaus tandem in patriam pervenit (*Od.* γ, 309—11). In hunc Menelai adventum exeunt Procli excerpta, poeta vero fortasse Neoptolemi et Hermionae nuptias adiecerat, quas cycli collectores omiserunt propterea, quod, non in actionem ipsam, et in tempus *Odysseae* inciderunt. Statuo ita e Schol. ad *Odysseam* δ, 12, quod quum Megapenthis mentionem in Nostis fuisse testetur, nescio an de ejus et Hermionae nuptialibus aliquanto certius liceat suspicari.

VII.

Exposita Nostorum descriptione reliquum est, ut primum rationes exprimam, cur Agamemnonis necem jam ante Neoptolemi reditum statim post Ajacis interitum narratam fuisse sumpserim. Deinde illa, quae Pausanias de inferis in Nostis fuisse scribit, et aliis ab eodem commemoratis locum quaeram. Ergo praeter eam probabilitatem, quam e temporum diversitate et totius carminis complexione jam supra dexti, Aegisthi facinus hisi utis documentis constat. Proclus, si ipsa ejus verba petas, occisum esse Agamemnonem non narrat, sed in actionis mentione significat. Quare ita censo, eam brevitati hoc dedisse, ut rem, quae ex carminis progressu bis ponenda erat, semel et eo loco posuerit, ubi prioris facinoris poenae incidissent. Magna haec excerptoris culpa fuisset, sicut est, si complexiorem carminis adumbrare voluisset; at ejus rei nulla fuit cura. Iam porro exploratissimum habemus, Neoptolemo et Ulysse exceptis ceteris, quos dea sacrificio placanda detinuerat, tempestatem illam omnes subisse; neque igitur quicquam eam fingere veriem potest, ut primam Ajacem ad Cephereas saxa interfuisse, deinde Neoptolemum rediisse, tum denique Agamemnonem solam aut cum paucis a Trojae littore navem solvisse dicat. Quod si concesserint lectores, de reliquo reputent, velim, quam praeter omnem necessitatem inepte fecisset Haec, si primum Agamemnonem et reliquos illos cum Ajace ad Cephereas deduxisset, deinde ab Ajacis interitu ceteris omnibus ad Neoptolemum praevertisset, quem ab ipsa Troja in Thraciam perrexisset, praetermittit ille cum Ulysse congressus docet. Sed veretur, ne putide atque ita disserere videar, quasi non circumspectu sed

tardioribus satis faciendum putarem; neque fecissem, nisi mihi in contentione quādam versanti curandum esset, ut bonam causam ab eorum audacia seungerem, qui depeditorum carminum titulos e quo-
vis fabulatore nutritos in suae opinionis firmamentum conformarunt. Minus vero etiam poenitebit cautionis in altera quaestione, quā de Pausaniae citationibus videndum est. Supra ac saepius professus sum, me habere, cur Νεκύν aliquam Nostis intexam fuisse putem. Primum enim convertit hic Pausaniae locus, X, 28, 4, ἡ δὲ Ὀμήρου ποίησις ἐς Ὀδυσσεύα, καὶ ἡ Μινυὰς τε καλυμένη, καὶ οἱ Νόστοι (μήμη γὰρ δὴ ἐν ταύταις καὶ Ἄϊδου καὶ τῶν ἐνὶ δαιμόνιων ἰστὶν) ἴασιεν ὑδῖνα Εὐγύνεον δαίμονα. Quum nequaquam credibile sit, Stesichori h. l. Nostos dici, sed alteros epicos; illud potius quaerimus, quis, quam-
que luculentus rebus infernis in Nostis fuerit locus. Haud exiguum fuisse, e collatorum carminum exemplis non minus quam e terrula-
mentorū illorum citatione intelligimus. Neque enim Odyssea solum, quam novimus, sed etiam Minyas plus quam lesiter Orcum attigit. Habuit illa Thamyrae et Amphionis supplicia inferna (Paus. IV, 33, 7. IX, 5, 4.), habuit Chironem et Theseum cum Pirithoo illius cym-
ham quaerentem (X, 28, 1.), habuit denique Melcagri mortem (X, 31, 2.). Quin ipsum carminis nomen Lobeckius quidem in Aglaoph. p. 369. ad Minyas filias, propter deoram contemptam aeterna sup-
plicia meritas, retulit. Cum eiusmodi igitur carminibus si Nostos Pausanias comparavit; si idem in iisdem, ut qui ceteroquin Orci monstra uberius persequerentur, Earynomum daemonem quaesivit: haud sane tennis est potuit esse mentio. Ab huius igitur testimonii fide profectus admodum probabile esse sensi, Hagiam Nostos suos

ad Odysseae quandam similitudinem Νεκυά aliquā ornasse. Multas enim citationes, quibus alium locum frustra quaerebam, Νεκυά illa denique, quam Homericæ aliquatenus similem informabam, bene ac commodè recipere visa est. Dico autem has. Pausan. X, 80, 2. ὑπὲρ τέτυς Μαῖρά ἐστιν ἐπὶ πέτρᾳ καθεζομένη· περὶ δὲ αὐτῆς πεποιημένα ἐστὶν ἐν Νόστοις, ἀπελθεῖν μὲν παρθένον ἔτι ἐξ ἀνθρώπων, θυγατέρα δὲ αὐτὴν εἶναι Προίτη τῷ Θερσάνδρῳ, τὸν δὲ εἶναι Σισύφου. Id. X, 29, 2. ἔστι δὲ πεποιημένα ἐν Νόστοις Μινύς μὲν τὴν Κλυμένην θυγατέρα εἶναι, γήμασθαι δὲ αὐτὴν Κεφάλῳ τῷ Διήονος καὶ γενέσθαι σφίσιν Ἴφικλον παῖδα. Haec Pausanias in explicatione Νεκυάς, quam Polygnotus in lesche Delphica pinxerat. Sed addendus videtur tertius ejusdem locus, in quo quod non Nostos sed ipsum poetam Hegiam Troezenium dictum citat, id similiter facit atque in Minyadis laudationibus, in quarum primā auctorem ipsum probabiliter ponit, in reliquis vero solum carmen. 1, 2, 1. ταύτην τὴν Ἀντιόπην Πίνδαρος μὲν φησὶν ὑπὸ Πειρίδῃ καὶ Θησέως ἀρπασθῆναι, Τροϊζηνίῳ δὲ Ἠγίᾳ τοιαύτῃ ἐς αὐτὴν πεποιῆται. Ἡρακλεῖα Θेमίσκυραν πολιορκῶντα τὴν ἐπὶ Θερμώδοντι εἰλεῖν μὴ δύνασθαι, Θησέως δὲ ἐρασθεῖσαν Ἀντιόπην (στρατεῦσαι γὰρ αἶμα Ἡρακλεῖ καὶ Θησέᾳ) παραδῆναι τὸ χωρίον. His Maerae, Clymenae et Antiopae elogiis quartum accedit Medae, quam versiculi tres et schol. ad Aristoph. Equit. 1318. et in argum. Medae Eurip. e Nostis allati Aesoni robur juvenile reparasse narrant. Videmus igitur quattuor feminarum, et earum quidem, quarum nulla neque ad tempus Nostorum neque ad ullum e heroibus illis pertinuit, mentiones disertissimas, non quales passim in quovis carmine incidere possunt, sed quales in catalogo aliquo heroinarum exspectes. Quod eas omnes

uni illi, quod Hagiae fertur, carmini attribuimus, id nemo reprehendet, qui spretâ conjectandi levitate citationum fidem reverentur, quae aut carmen τὰς Νόστας, aut poetam τὸν τὰς Νόστας ποιήσαντα, simpliciter ponunt. Non plura praestare testimoniis possumus carmina illo nomine vocitata, quam unum epicum Hagiae vel auctoris incerti, alterum Stesichori lyricum. Nam de Eumolpo illo ap. schol. Pindari ad Ol. XIII, 31. omnia incerta, praeter hoc unum, νόστον τῶν Ἑλλήνων non posse alium intelligi nisi eorum, qui Trojam everterint.

Ita quum citationes istas eo loco habere videamur, quo fides suaserit: alterum quoque firmiter tenemus, ut ipsam Nostorum carmen non alios reditus narrasse credamus nisi eorum, qui Trojam fumantem reliquissent, neque summam carminis de alio fuisse tempore, nisi quod in descriptione nostra Trojanarum rerum quintum posuimus. *) Itaque feminarum illis quasi tabulis vix alius reperiri locus potest nisi in episodio. Ac mihi quidem in Νενύια expositas fuisse animus divinabat. Quid enim? num fortunae aliquo ludibrio factum est, ut Maeram et Clymenam, quas Ulysses in suo heroinarum recensu leviter aggregat (326.), in Nostis sedulo exornatas legamus? **) Accedit quod, Maeram praemature obitu decessisse, illo quo summus loco narratum optime habet. Antiopam Hagias non Thebanam

*) Vehementer miror Muellerum, qui de cyclo p. 128. Argonautas loquatur.

**) Si Clemens Alex. Str. VI. p. 622. Augias s. Hagias locum integrum exhibuisset, cujus hunc versiculum affert: δῶρα γὰρ ἀνθρώπων νόον ἤπαφεν ἡδὲ καὶ ἔργα, fortasse tertiam quoque Eriphylen ab Hagia commemoratam sciremus. Cfr. Valcken. Diatr. p. 151.

posuit, quam Homerus, sed aliam; et Medeam quoque de suo addidit. Sat scio, nihil me certi conficere; et fuit fortasse satius, in eo acquiescere, ut et feminas istas et res infernas ad episodica rejiciendas dicerem. Verum ne lusisse quidem poenitebit, si cyclicorum existimatores iniquiores tantum iis concesserint, ut meis commentis elegantiora fingere potuisse videantur. Ergo haud quidem obliviscar unquam, alterum, in Nostis Orci ejusque monstrorum mentionem fuisse, Pausaniae testimonio sciri, alterum, feminarum laudationes ad eundem locum pertinere, colligi tantum posse: at dicam tamen, quid ultra confecerim. Quum Procli omissionem aliquam e Pausaniae verbis cognovissem, de ejus excerptis nihil amplius laborabam, sed de illa Homeri imitatione, qua Hagias quoque regni inferni claustra reclusisse incolasque monstrasse videbatur, in universum sic statuebam. In ipsam Odysseae actionem eum non incurrisse, neque Ulyssis errores denno tractasse, persuasissimum habebam; neque igitur alteram quandam Ulyssis Necyiomantiam aut altera ejusdem cum heroinis colloquia fingebam. Sed, quemadmodum Arctinum in Aethiopide, quum in similes personas vel res incidisset, plura ad Iliadis exempla effinxisse, et Stasinum in Cypriis sociorum Priami catalogum retulisse videbam, sic Hagiam post Odysseae *Nexiav* suam aliquam conformasse putabam. Rursus autem, quominus quae Homerus Ulyssi tribuerat, ab Hagia ad Menelaum translata esse divinarem, Strabonis impendebat silentium, qui quum plurimas antiquiorum de Menelai erroribus quaestiones, atque eorum etiam, qui data eos opera indagavissent, legisse reperiatur, tamen ne verbulum quidem edit, quod Homeri narrationem excedat. Menelao rejecto primo in

Aegisthum et Clytaemnestram incideram. Eos a Mercurio in Orcum deductos esse, satis ad conjectandum speciosum erat. Nam in quem locum Aegisthus demitteretur, eum attinuerat sane suis monstris exorare; Clytaemnestra vero convenerat heroinas. Ac perstitissem in hac conjecturâ, nisi altera illa quae in Odyssea legitur *Nexia* animum alio vocasset. Eam interpolatione ascitam et e carmine quidem alio esse confictam, mihi jam dudum alte insederat. Neque tamen ex Nostis Hagiae Achillis illum sermonem repetebam (v. ω, 24—34.) aut ex Aethiopide Arctini, quae Achillis exsequias habebat, alterum Agamemnonis; sed interpolatorem a Nostis antiquioribus profecisse putabam, ad eosdem vero Hagiam sua quodammodo composuisse. Potest prior suspicio, ut interpolator ille Hagiae Nostis usus esse videatur, ab aliis magis probari: ego illud manifesto apparere arbitrabar, Agamemnonis et Achillis sermones nentiquam cuilibet tempori aptos, tum forte habitos posse videri, sed totum locum, qui a v. 15. usque ad 97. pertineret, ita esse comparatum, ut Agamemnonem tum primum ad inferos pervenire primumque cum Achille congredi videremus. Hinc illud est, quod Agamemno, stipatus agmine eorum, qui simul cum ipso Aegisthi dolo occubuerunt, ad Achillem ejusque amicos accedit; hinc etiam, quod Achilles magnificam, quam de illo habuissent, opinionem incassum cecidisse conqueritur, longeque illi melius fuisse dicit, si ad Trojam fatum explevisset; hinc denique, quod invicem Agamemno, quanta de illius corpore pugna fuerit, quamque dignis eum extulerint exsequiis, longa narratione persequitur: quae omnia illi inepte tum demum finguntur esse loquuti. Si paucissima mutaveris, ipsum, quem subesse dixi, adventum primum

disertis verbis expressum leges. Parum scite hunc locum in suos usus interpolator ascivit. Qui quod Amphimedontem ab Agamemnone appellari voluit, hoc mihi sequutus videtur, ut comparatio illa Clytaemnestrae et Penelopae, Ulyssis et Agamemnonis, quae per totum quodammodo carmen pertinet, in fine quoque efferretur (v. 192—202.). Ex hoc igitur loco mihi subnata est suspicio, eam veterem fuisse Nostorum formam, quam in suo carmine Hagias quoque tenuerit, ut Agamemnonis umbra in Orcum et in conspectum Achillis perduceretur. Commodus videbatur et gravis ad carminis sententiam Agamemnonis congressus cum eo, quem fatales reditus in tumulo vaticinantem nihil ille audiisset; neque illud puto suspicioni meae obstare, quod Hagiae aetas (sic enim Aethiopis testatur) Achillem jam heroem divinisque honoribus consecratum novit. *) Ceterum ipse video, heroinas illas, quas in eadem Necyia apparuisse rumpimus, in ejusmodi qualem modo adumbravi Agamemnonis deductione minus quasi obvias haberi, quam si Clytaemnestra cum Aegistho descendens iis ipsis aggregabatur; quanquam in tali Necyia, qualis Odysseae est altera, certe sanguinis potu aliisque machinis ad

*) Confero Herculem, qualem Odyssea in loco suppositicio λ, 602. (cfr. Hec. Th. 950.) exhibet. Praeterea quum Arctini, Stasini et Hagiae aetas ea fuisse videntur, quae heroum consecrationem, in Odysseae locis quibusdam varie temperatam (cfr. δ. 561 sqq. λ, 390 sqq.), sensim ita efflaxerit, ut in Hesiodi Op. 165 sqq. factum videmus: tamen exempla praeter Achillem et Memnonem, nisi quis Penelopam et Telemachum et Circe divinitate donatos addere velit, nulla possumus e cyclicis afferre. Parum igitur constat, quantum ejus rei lyrici (v. Pind. Nem. X, 12. et Ibycum ap. ej. schol.) et tragici (Eurip. Or. 1631. 1683. Hel. 1666. 1676. Androm. 1253.) epici illis debeant.

citandos mortuos opus non erat. Sed praestat omnino jam finem imponere hariolationibus: quarum si alius nullus, is certe usus erit, ut lectores commoneantur, quam multi loci carminis quamque bene Necyiam recipere potuerint; ut nequaquam necesse sit eam ad Ulysem referre.

VIII.

Postquam carminis, quod de reditu victorum s. quinto Trojanarum rerum tempore fuit, compositionem, gradus et transitus, ornamenta denique quaedam persequuti sumus, etiam eos, qui me probabilitatibus nimium tribuisse putent, hoc tamen concessuros esse spero, Hagiā non annalium more narrationes priorum continuasse neque, nulla arte partes toti attemperasse, sed reditus infaustos eo carmine esse complexum, quod et causam divinam, et sententiam aliquam ab humanitatis sensu repetitam, et denique concinnitatis tantum haberet, quantum argumenti iniquitas admitteret. Jam ad ea carmina veniendum est, quae Arctinus ejusque aemulus Lesches de quarto tempore s. de expugnandae urbis condicione composuerunt. Eorum dispar sane ratio fuit; neque enim eodem usi sunt initio. Sed antequam alterum carmen cum altero committamus, propter impeditam rei rationem id ipsum demonstrandum est, fuisse duo de eadem Trojanarum rerum parte carmina diversorum auctorem. Id quod his conficitur argumentis. Aristoteles carmen, quod Iliadem parvam et ipse et Proclus appellat, per fabularum illum recensum ultra Procli excerpta usque ad Graecorum discessum perducit; Pausanias

vero e quadam Ilii Perside Leschis plura affert, quae aut de nocturno proelio quo expugnata est Troja sunt omnia, aut ultra etiam pertinent *). Jam haec Ilii Persis, posset illa quidem eadem haberi, ac cujus partem Arctino inscriptam Proclus exhibet. At enim, quominus hanc suspicionem amplectamur, manifesta discrepantiae indicia obstant. Procli enim Persis (etsi lacunam codicis non negligas) Astyanactem Ulyssis operâ interemptum narrat; ut illud consilium Graecorum subesse putes (cfr. Quint. Sm. XIII, 251 sqq.), cujus a Lesche interpositam mentionem negat Pausanias, quippe quum ille puerulum a Neoptolemo potius et propriâ saevitiâ necatum tradiderit (cfr. locus ipse ap. Tzetam ad Lyc. 1263.). Alterum discrepantiae exemplum est in exitu Priami, quem Procli Persis in ipsâ arâ, altera vero Pausaniae ad portam a Neoptolemo obtruncatum habet. His ab Hermanno aliisque jam monstratis tertium quoddam accedit hoc. Proclus tantum de Aethra: Demophoontem et Acaman-

*) Megetem ab Admeto, Lycomedem ab Agenore esse vulneratos (X, 25, 5. Bekk.); Admetum a Philocteta, Agenorem a Neoptolemo caesos. Ejusdem Neoptolemi manu cecidisse Astynoum et Eioneum, Coroebum vero non hujus, ut plerique narraverint, sed Diomedis, Axionem denique, Priami filium, Eurypyli (ib. 26, 4. 27, 1 et 2.). A Neoptolemo Priamum non ad ipsam Jovis aram sed hinc abstractum ad portam esse interfectum, Astyanactem vero nullo Graecorum jussu a turri dejectum (27, 2. 25, 9.). Eodem in proelio nocturno Helicaonem ugnitum ab Ulyssae et ex pugna eductum esse vivum (27, 7.). Denique captâ jam Trojâ Aethram, quum in castra Graecorum sponte venisset, ugnitam esse a Theaei filiis. Quo facto alterum Demophoontem egisse apud Agamemnonem de illâ reddendâ. Hunc veniam dedisse, si Helena remiserit (25, 8.). Adde quod Aeneas conjugem Lesches Eurydicen dixerat 26, 1.

tem illam invenisse et secum abduxisse. Non nego hac annotandi brevitate magnam tegi posse rei a poeta narratae varietatem: at, praesertim qui Quintum Smyrnaeum comparaverit XIII, 496 sqq., nemo probabile ducet, in Arctini Perside ea fuisse, quae Pausanias de Aethra in castra sponte progressâ atque illâ actione prodit, quâ Demophoon aviam ab Agamemnone et Helenâ redemerit. Haec igitur omnia certissime arguunt, Procli s. Arctini illam Persidem ab eo carmine, cujus Pausanias meminerit, diversam fuisse. Porro autem Aristotelis, Procli, Pausaniae et Ttetzae testimoniis in unam argumentationem recte digestis hoc consequitur: Carmen, quod Proclus et Tzetzes Iliadis parvae nomine appellatum Leschi tribuant auctori, ab Armorum judicio usque ad Graecorum discessum pertinuisse. Hujus partem posteriorem Pausaniam peculiari Ilii Persidis vocabulo cognitam habuisse, eamque ipsam eidem inscripsisse Leschi, priorem vero, quae tum quidem separatim a multis legi solita sit, solam Iliadis parvae appellatione significatam, certo poetae non asseruisse (v. Paus. III, 26, 7. X, 26, 1.). Sed haud temere ad certiora progredi licet. Primum Iliadem parvam summa probabilitate ipsi Leschi assignamus. Deinde quum neque ullo modo credibile sit, eundem poetam eandem belli Trojani partem duobus carminibus diversâ quidem narratione esse persequutum, neque unquam veterum quisquam Iliadem parvam Arctino impertire voluerit: assumptis duobus testimoniis, quorum alterum Arctino alterum Iliadi parvae Palladii surrepti mentionem tribuit *), recte concludere videmur: alterum carmen, Ilii Persidis

*) Arctinum v. ap. Dion. Hal. Antiqu. Rom. I, 69. de Lesche vero est Hesychii testimonium s. v. Διομήδεις ἀνάγκη.

nomine verius appellatum, quod Arctino cycli collector recte inscripserit, non ab eodem quidem a quo Iliadem parvam exordio esse progressum, sed posteriora certe, quae ipsius urbis expugnationem propius spectent, similiter omnia esse complexum atque Leschis Iliadem. Hac utriusque carminis et similitudine et dissimilitudine cognita bene denique intelligimus, quid Phanas ap. Clem. Alex. Strom. I, 333, narraverit aut narrare debuerit. Qui quod *δημιλλῆσαι τὸν Δίονυσον Ἀρκτίνῳ καὶ νενικῆναι* dixit, eis verbis nequaquam hoc subest, quod Plehnie in Lesbiacis, Wuelhero de cyclo ep. p. 82. et C. Gu. Muellero p. 103. subesse visum, ut aequales illi evadant: Imo ne cum rhapsodis quidem, qui Arctini Persidem pronunciarint, in certamine publico contendisse istis quidem verbis traditur Lesches. Sed quum carmine de Troja expugnata composito Arctini Persidem vicisse videretur, cum ipso concertasse victorque discessisse dictus est translate. *) Tali interpretatione aut levis erroris suspicione si repugnantiam testimonij nigrum componere non liceret: Phanae illud, etiam si Eressum Lesbi patriam habuit, prorsus putarem rejiciendum. Nunc eum non

*) Non negavero, ἀμιλλα vocabulum cum suis plerumque poni de ipsa praesentis concertationis actione: ita εἰς ἀμιλλαν Eupolis ap. Polluc. IX. c. 7. et Plut. Themist. 82. id. Sol. 29. εὐαμιλλος in lege Lycurgi oratoris, de quo Boeckh. de Lemn. p. 101., et ap. Athen. XV. p. 697 A. ἀμιλλαι χορῶν, ἀμιλλασαι, ἀμιλλῆσαι ap. Plat. de leg. VII. p. 833—35. et Plut. Them. 5. Sed neque usus translati exempla desunt (ap. Eurip. alios), et suspicio, quam isto in l. testimoniorum discrepantia et rei ratio magnopere commendat, metaphorae perperam intellectus, ad multas res a recentioribus traditas rectissime transfertur.

disjunctas poetarum aetates confudisse, sed virtutes fortasse minus recte comparasse censeo. Quod quale sit, jam propter Aristotelem causaeque nostrae rationes, quantum ejus fieri potest, cognoscere studeamus. Et statim ab alio Arctinus principio Persidem instituerat, atque posthac Lesches usus est. Ille enim quum alterum quod de praecedentibus fecit carmen, Aethiopidem, Ajacis nece et sepulturâ terminasset (v. Schol. Pind. ad Isthm. IV, 68.), subsequens profecto non ut Lesches ab armorum judicio aut Ajacis et Ulyssis lite exordiri potuit. Jam a quo exordio Arctinus suam Persidem inceperit, et uter utro aptiorem ad carminis condicionem introitum sumpsisse videatur, decernere quidem non possumus nisi probabiliter. Ajacis et Ulyssis contentio, prout varie conformabatur, rectius potuit aut Achillis exsequiis annecti, quod Arctino placuit, aut eam partem belli praeparare, in quâ Ulyssis virtus et prudentia enituit; quam in prioribus illis, quae ab armorum judicio usque ad interfectum a Neoptolemo Eurypylum pertinent, Ulyssis opera minus insignis est. Quam rationem Lesches mihi ita ingressus esse videtur. Ipsum exordium, si quis conjecturae locus est, versibus illis duobus quos legimus:

Ἴλιον αἰδῶ καὶ Δαρδανίην εὐπῶλον,
ἧς πέρι πολλὰ πάθον Δαναοὶ θεράποντες Ἄρης,

subjectum habuit recensum eorum, qui tum jam ceciderant Graecorum fortissimi, similem fortasse Nestoris sermoni Odyss. γ, 109. et recentiorum epicorum locis, qui illum imitati esse putantur, Quinti et Tryphiodori (v. 17. et Wernickium p. 60 sq.). In quo si Achillis occasum extremo loco deploraverat, consequens erat, ut singulari

fato Ajacem, fortitudine proximum, quasi tractum ab illo caneret; quanquam neque ipsum Achillis exitum neque ludos funebres in Iliade parva exhibitor esse credibile est. Aut simplicius Lesches omnino ortam inter illos litem in quandam similitudinem exordii Iliadis vertit. Deinde ut Il. II, 254 sq. Nestor altercantes increpat, pari modo idem (quod e scholio ad Aristoph. Equit. 1065. certissime cognoscimus) in Iliade parva Graecis suator exstitit, ut missis exploratoribus hostium scrutarentur iudicia. *) Huic consilio adiutrix Minerva eo ipso tempore, quo exploratores moenibus accesserint, feminas Trojanas in murum duxisse non inepte putabitur. Ultra conjectando non progrediar; neque illum feminarum congressum et confabulationem cum senum illis et Helenae sermonibus comparem, quos in Iliadis rhapsodiâ tertiâ audimus. Sed illud schol. Aristoph. modo cit. ex carmine ipso te-

*) Prope certum habeo, Arctinum in fine Aethiopidis litem de Minervae consilio diremptam ita narrasse, ut captivos Trojanos in praestantiae iudicium adhibuerint: ita enim ex cyclicis perhibet schol. ad Odys. λ, 547. sequutus est Quintus V, 157. Uterque igitur, et Arctinus et Lesches, illam controversiam virtutis decreto hostium existimatam tradiderunt, sed Lesches eam rem ita variavit, ut pro captivis feminas Trojanas poneret. Utra narratio versui Odysseae λ, 546. subit *καὶ δὲ Τρώων δίκασαν καὶ Παλλὰς Ἀθήνη*, decernere non licet; quanquam *καὶ δὲ* filias interpretari probabilius est. Versum ab Aristarcho damnatum Homero laudi vertit Protesilaus in Philostr. Heroic. p. 720. Olear. 174. Boiss., respicit etiam Lucian. dial. mort. 29. Eo sublato in Homeri verbis eam rei rationem latere dicas, ut Thetis arma Achillis inter ipsa certaminum praemia posuerit; sed nescio an obstet verbum *δικαζόμενος*. Accedit quod Quintus certe illud post ludos factum tradit V, 125. Quare dubium reliqui Meletem. I. p. 114. Praeterea Ovidius Metam. XII, 627. ipsos Graecorum principes litis iudices sistit. Welckerus Trilog. p. 438. de Aeschilo disputans plura neglexit.

statum, alteram feminam Minervae instinctu potioris operae meritum Ulyssae vindicare. Hujus igitur suffragio quae reportaverat arma Achilles, ex Ulyssae posthac, ut est apud Proclum, Neoptolemo a se accessita contigit. Quae enim aequitate Quintus etiam Smyrnaeus VII, 211. et 445. narrat. Ad Arctini carmen haec omnino non pertinere videntur; quanquam fuerunt, qui arma illa ab Ulyssae reportata posthac ex naufragio ad Rhoeum delata facerent (v. Lobeck ad Soph. Aj. p. 262.). Sed Lesches, qui Ulyssae illa quae diximus liberalitatis laude ornavit, idem Ajaci rursus tam iniquus reperitur fuisse, ut ob Agamemnonis in defunctum iram ne crematum quidam sollemni more referret. *) (Quam poetae Lesbii in Ajacem iniquitatem exit fortasse qui ad publicas quasdam detractandae gloriae causas referat.) Ajacis necem in Hido parva subsequutus est Ulyssae dolus, quo Helenum vatem cepit. A quo quum edocti essent, ad superandam Trojam Philoctetae arma requiri, hunc Diomedes e Lemno ad Trojam duxit. (Vim fati parum intelligimus, nisi in Paridis morte versabatur.) Philoctetae vulnere medetur Machaon etiam tum superstes (ap. Quint. IX, 463. Podalirius). Ita relictus heros cum Paride ad certamen concreditur, eumque (sagittâ fortasse) dejicit. Exultantis victoria Philoctetae vocem prae ceteris advertit Menelaus:

*) Eustathius ad β II. p. 285 = 216. καὶ ὅτι, ὁ τὴν μικρὰν Ἰλιάδα γράψας ἱστορεῖ μὴδὲ καυθῆναι συνήθως τὸν Αἴαντα, τρεῖς δὲ ἔτος ἐν σορῶ διὰ τὴν ἀργὴν τῆ βασιλείας. Dubitationis aliquid facit σορός ille. Conjecerit aliquis, ipsum Leschem nihil perhibuisse nisi humatam esse peculiari more Ajacem, non crematam; irac causam a recentioribus esse interpositam. Cfr. Plat. Sol. 10. ej. Thest. 36. At in Aethiopide certe regi est mentio in Achillis funere.

is propere adest, rapteris corpori insultat, omnique saevitiâ lacera-
bat, nisi Trojani eripuissent ereptumque sepeliissent. Paride sub-
lato spes fuit fore, ut Helenâ redditâ bellum componeretur; de qua
re inter deos hominesque consilia esse agitata, probabiliter sumimus.
Sed vicit sive fatum sive deorum prava iubentium cupido, ut Helenâ
Deiphobo potius uxor concederet. *) Jam resurgente bello nova
subsidia quaerunt utrique. Graeci Ulyssem mittant, qui Neoptole-
mum Scyro arcessat (cfr. Odyss. λ, 507.). Interim Trojanis Eury-
pylus auxilio venit; qui summâ fortitudine magnâque strage factâ
(in quâ etiam Machaonem prostravit, Paus. III, 26, 7.) Graecos gra-
vissime affligit. Tandem Neoptolemus adest, acceptisque ab Ulysse ar-
mis patris, cujus ipsius visa per noctem umbra stimulos tendenti
addit, grassantem versus naves fortissime caedit (cfr. Od. l. l. 518.).
Jam denique Trojani spem in solis munimentis ponendam censeant;
Graeci clausam obsidione urbem Ulyssis dolis machinisque aggredi-
untur.

IX.

Novam hanc rerum in exitum vergentium condicionem eaque
omnia, quae a primo equi fabricandi consilio usque ad ipsum belli
finem Graecorumque reditum everint, eam partem Iliadis parvae
conficere puto, quam Pausanias Persidis nomine insigniat. Tantundem

*) Ejusdem conjugii indicia reperire mihi videor in duobus Odysseae locis δ, 276,
ζ, 517—20. Quae si parum certa est suspicio, illud confidenter pronuncio, non
Leschem ex istis Homeri locis quod narraret interpretatione elicuisse, sed utrum-
que profecisse ab antiquioribus.

vero Arctini Persidem complexam esse, quum ad nominis convenientiam et carminis describendi rationem maxime consentaneum est, tum a cycli argumentis et reliquis quae exstant testimoniis plurimum probabilitatis habet. Hoc enim carmen quum nequaquam a ficto Graecorum in Tenedum discessu initium duxisse, sed etiam prius illud, raptum a Diomede et Ulysse Palladium, habuisse videamus: tamen nullum usquam emergit indicium eorum, quae evenerunt antequam Trojani in muros sese recepissent. Ergo Philoctetae et Neoptolemi tum deductiones illas tum pugnas cum Paride et Eurypylo pugnatas cycli collectores ne potuerunt quidem aliunde delibare quam ex Iliade parva; Arctinus enim, quum Aethiopidem usque ad Ajacis sepulturam perduxisset, Persidem illis omissis de ipsa urbis expugnatione, primo dolis deinde vi patrata, composuerat. Quod si vere recteque argumentamur, in Perside major quaedam fuit quam in Iliade parvâ condicionis aequabilitas et congruentia partium. Unum tamen est, ex quo aliquis conjiciat, Arctini carmen etiam proxima ab Ajacis nece continuisse item atque Leschis. Quintus enim Smyrnaeus, qui multis in rebus Arctinum potius sequutus est, illa, quae de Neoptolemo et Philoctetâ sunt, inverso ordine narrat: primum Neoptolemum, deinde Philoctetam arcessit, atque hunc, quum Machaonem et ipse ab Eurypylo occisum faciat, a Podalirio potius sanatum tradit. Neque Heleni ab Ulysse capti, sed Calchantis de consilio apud eum mittuntur, qui Philoctetam deducant (IX, 325—35.); mittuntur autem Diomedes et Ulysses, quorum Proclus e Lesche illum solum commemorat. Hanc igitur diversitatem si quis ab Arctino repetendam ducat, de Persidis ambitu aliter statuet. Atque

possunt in eandem sententiam alia probabiliter disputari: parum credibile esse poetam carmen, in quo Neoptolemi magnae essent partes, ita esse ingressum, ut quomodo ille ad Graecos pervenerit, non diceret. Deinde occasum Paridis, quem Philocteta interfecerit, optimum parasse aditum ad illam Trojae obsessae condicionem, in qua Persis deinceps versetur. Potest ex his aliqua effici probabilitas. Neque tamen aut Quinto, qui multa recentioribus debet, aut istis rationibus, satis ad probandum imbecillis, plustribuendum puto quam iis argumentis, quae supra posui. Haud igitur temere reciprocatâ quodammodo argumentatione obtinere videor: Aristotelem ideo Iliadem parv. prae Perside commemorasse, quod ab armorum ad eo iudicio progressa aliquanto plura fabularum argumenta haberet quam illa. Idem nomen Ilii Persidis ex tragicorum ratione posuit, qui, si ex illo fabularum ordine conjecturam capere licet, ab ea condicione exorsi erant, quum Trojani simulato hostium discessu decepti laetitiae se dabant. *) Jam postquam in Iliade parva progressum quidem satis aptum, sed minorem tamen multiplicis actionis congruentiam fuisse intelleximus, quam quae fuerit in Perside: alterum quoque videre gratissimum esset, num Persis posteriorem ac suam illam, quam supra diximus, partem uberius forsitan exornaverit quam Lesches. Est illud

*) Welckerus quam recte Ilii Persidem trilogiae loco habeat Trilog. p. 444., ipse viderit. Equidem vereor, ut Aristoteles aliud quidquam dixerit c. 18, 17. quam esse, qui male fabulas, Persidis vocabulo inscriptas, de universâ urbis expugnatae condicione composuerint (ὅσοι Πέρσιν Ἰλίσ ὅλην ἐποίησαν). Neque ille unquam trilogias pro singulis fabulis posuit, neque reprehensurus fuisset, si poeta singula momenta sese excipientia singulis fabulis extulisset.

quidem ad conjiciendum admodum probabile; quantum, certis indicis demonstrare non possumus. Nam quod cycli collectores extremam partem belli e Perside desumere quam parvam Iliadem continuare maluerunt, id ad copiae aliisque virtutis commendationem nihil tutius referre videmur quam ad alias causas. Car. Guil. Muellerus (de cyclo p. 105 sq.) istos fabularum, quas Lesches a communi fama deflexas exhibuisset, discrepantiâ ductos Arctinum potius adhibuisse censet. Satis ea ratio probabilis est, quamque uno certo exemplo insigni firmare possimus Aeneae, quem Lesches non ut Arctinus apud Proclum Laocoontis prodigio proterritum cum suis in Idam secéssisse, sed postquam extrema Trojae fata tolerasset Neoptolemo addictum esse captivum narrat (in versibus a Tzetza servatis Fr. 7. Muell.): quam famam ex omnibus, qui de Aenea quamvis diversissima retulerunt, nemo amplexus est (v. Niebuhr H. R. 1. p. 185 sqq. edit. 11.). At enim vero, si omnino cyclum non quo carminum specimina uno in conspectu posita exstarent compositum ducimus, sed ut fabulae, quae de rebus Trojanis nobilissimae essent, luculenter cognoscerentur: ubi plurium carminum optio erat, utrumque certe pariter quaesitum esse puto, ut et celeberrimas fabulas praeberent, et quantum fieri posset, de rebus omnibus. Neque ii, qui illum delectum egerunt, carmen tenuius, si modo probatissima haberet, praelaturi fuisse videntur uberiori, quod aliquoties a pervulgatis abluderet. Haec igitur ratio tantum valet, ut Arctinus expugnationis casus, nisi copiosius, eadem certe ubertate persequutus esse videatur atque Lesches. Praeterea, nisi Aristoteles fabularum nomina negligentius sublegisse videretur, ex ejus recensu illo colligerem, de Laocoonte, de

quo in Procliano Persidis argumento disertissima est, in Iliade parva omnino nullam fuisse mentionem. Nam licet sane mirari, Aristotelem, quum et Laocenas et Sinonem Sophoclis commemoret, Laocoontem ejusdem poetae non adjecisse. Accedit, quod de Aenea, quem Arctinus ob ipsum illud Laocoontis omen desperatâ salute urbem reliquisse finxit, Lesches, ut vidimus, alia omnia narravit. Sed suspicioni tibi ne nimis confidam, monet etiam illud, quod dubitari posse video, an Laocoontis supplicia a tragico aliquo in fabulam, quam illi Persidem inscripserit, fuerint comprehensa. Quare praestabit praereptam nobis cognitionem accuratam deplorare, quam umbras veritatis cupidinis sectari. Extrema pars carminis quo modo processerit, Proclus secundum Quintum in ordinem redacto bene docuit Wuellnerus p. 92. Omisit Proclus ipsum exitum, quum Arctinus non potuerit non eventum adjicere, quem ira Minervae habuerit. Adjecerit igitur necesse est de ipsa tempestate maximeque de Ajacis ad Cephareas interitu; ut in hoc carmine poena ab ipso facinore et Graecorum de eo judicio propius abfuisse videatur quam in Nostis (v. Welck. Trilog. p. 442.). Forma vero narrationis ea fere fuerit quae apud Quintum; quanquam singula Arctinum majore explicatione distinxisse, credere par est.

X.

Vidimus, quâ sive descriptionis sive ordinis diversitate Arctinus et Lesches quantum tempus complexi esse videantur. Intererant nonnulla inter Achillis Ajacisque mortes et expugnandae urbis conditionem, quae continuati magis belli quam rerum ad exitum vergen-

tium speciem haberent. Hæc an omiserit Arctinus dubitandum esse
 duximus. Quod ut neget aliquis satis posse probari, certe temporum
 condicionisque illa discrimina non tollit, neque ad eorum opinionem
 relabatur, qui cyclicis illis nescio quam annalium similitudinem ita
 obtruserunt, ut cur tantum maxime complexi essent rerum, quantum
 reperiuntur, rationem fere nullam habuisse viderentur, sed in contin-
 anda narratione istis forte locis casu substituisse. Restat, ut de
thiopide Arctini dicamus, quæ de tertio fuit tempore. Quod carmen
 jam dudum dubito an Achillem, a quo nomen habere potuit, tam
 apto progressu per casuum vicissitudines perduxerit, ut actionis con-
 summatae congruentiâ cetera, quæ cyclicorum nunc dicimus, vicerit
 omnia. Deinde alterum me hoc convertat. Deprehendere mihi vi-
 deor haud paucos locos, qui quum Iliadis admonitionem quandam
 aut similitudinem haberent, Arctinum in Homeri æmulationem quati-
 usro vocarint. Utrumque jam in Meletem. Fasc. I. p. 114. signi-
 ficatum nunc explanabo enucleatius.

Achilles irâ suâ iræque eventibus jam defunctus, redditusque totus
 rei Græcorum, primam quasi in Hectoris partes succedere videt Pen-
 thesileam Amazonem. Magna anhelantem et perpetrantem suscipit
 Achilles et interficit. Mortuæ corpus Trojani recipiunt ad sepul-
 turam. Quod ab Atridis Penthesileam miserantibus permissum esse
 Quintus narrat l, 782. Arctinus fortasse connivente quodammodo
 Achille factum tradidit, ut hoc quoque arguerit Thersites, qui sui
 haudquasquam dissimilis eadem, quâ olim in Agamemnonem usus
 erat, oris licentiâ, et (quod jam Homerus II. β, 220. sq. bene noverat)
 Achilli maxime acerbis, etiam amore mei objecit. (Hujus indicia sibi

tum fortasse deprehendisse videbatur, quum virginem ille a se pos-
 strata respiceret victor quasi invitus, cfr. Quint. I, 671. et. 718.)
 Detestari Graecorum calumnias non tulit is, qui in Hectoria redem-
 ptione nequaquam naturam deposuerat. Graviter effervescens Ther-
 sitam manu violenta dejecit Achilles. Eam saevitiam vindicandi in
 populo suo Graecorum magna pars indigne fert. Otto tumulta
 hominis Graeci caede piaculum admissum vociferantur (quod uni-
 versum exercitum premere videbatur). Intercedit, ut plerumque,
 Elysis prudentia; qui sive de suo sive de communi consilio, ut
 olim Chrysaem ad placandum Apollinem missus erat (Il. 9, 311.), sic
 tum Achillem in Lesbum deducit, ibique mactata Apollini, Diae
 et Iasonae hostia scelere obstrictum expiat. *) Dum haec apud Grae-
 cos geruntur, Trojanis trepidantibus propugnator novus auxilio venit
 Memno, Aurorae filius, qui ut genere, forma et virtute, sic Vulcanii
 operis armatura cum Achille certat. De bello cum eo instante ejus-
 que omni fortasse fortuna Thetis filium commonefacit. Ac sequitur
 casuum series gravissimorum. Antequam Achilles ad certamen de-
 scendere potest, Memno Antiochum obvium habet, eumque interficit
 (Od. 8, 187 sq.). Non alius post Patrocli mortem in Graecorum
 exercitu Achilli conjunctior fuerat (Il. 9, 653. Od. 7, 468. 78 sq.).
 Itaque alterum sibi Patroclum ereptum ille acerbissime sentiens, ocius

*) Haec, quae sunt de Thersitae caede, admodum leviter transigit Quintus, qui
 non seditionem ob piaculi opinionem ortam sollemni expiatione compositam esse,
 sed tantum breviter tradit, Diomedem e Graecis unum, cognati quidem sui nece
 irritatum, vim parasse in Achillem, nisi ceteri alloquiis animos rixantium te-
 nerent, v. 1, 766-81.

adest eadem, quas olim ab Hectore, ab ejus acurulo poena sum-
 pturus. Neque incassum minatus Aurorae filium filius Thetidis occi-
 dit. At deae filio, quominus hostis saevitiam etiam mortuus expe-
 riatur, promptior intercedit deorum gratia. Aurorae precibus Jupter
 non sepulturam justam sed immortalitatem filio impertiendam con-
 cedit. (Haec quoque Quintus narratione aut tenuiore aut novicia
 exhibuit.) Dum Memno matris deprecatione fato eripitur, Achilles
 Trojanos Antilochi corpus foedare conantes fundit, fugatque, atque
 ad muros usque persequitur. Sed jam victricibus armis grassantem
 et ipsi imminentem urbi Paris, quem Apollinis consilium instinxit,
 sagittâ opprimit. Scilicet, sicut olim Patroclus, quem Apolline socio
 Hector devicerat, huic mortis insequenturae haud vanas vates exstite-
 rat (Il. π, 851 sqq.): sic tum Apollo Patrocli et Antilochi ultorem
 Paridis manu dejecit. Ad servandum Achillis corpus cum aliis Ajax
 Salaminus et Ulysses convolant. Atrocissima de fortissimi et fune-
 stissimi cadavere pugna pugnatur (Od. ε, 309, sq. ω, 37—42). Tan-
 dem, juvante etiam Jovis procellâ, Ajax mortuum humeris susceptum
 in castra deportat, dum urgentes Trojanos sustinet Ulysses. Nunc,
 postquam isto certamine defuncti sunt, Graeci etiam Antilochi sepoli-
 endi denique otium nanciscuntur. Accedit, quod iis consilium fuerat,
 Antilochi urnam cum ea, quae mixtos Achillis et Patrocli cineres
 acceperit, eodem tumulo condere (Od. ω, 77 sq.). Cremato igitur
 Antilocho Achillis funus ad parentandum proponitur. Jam casus acer-
 bissimi haud ignara Thetis cum Nereidibus succedit et novem Musis,
 quarum planctibus omnium Graecorum luctus cientur miserrimi. Dea
 mater, postquam lacrymas filio etiam ipsa dedit, rogo jam imposi-

tam divinitas aufert ablatumque in Leucam insulam prosequitur, divinitatis sorte beatum. *) Sed eadem etiam ludis funebribus praefuit, si quidem Arctinus eam tenuit isamam, quae duobus Odysseae locis subest (v. A, 546. ω, 85—92.). Praemia divinae artis victoribus posuit; deinde ipsius Achilles arma fortissimo Graecorum assignanda permisit. In eam contentionem prae aliis venerunt duo illi, quorum opera in recuperando gestoris cadavere maxima fuerat, Ulysses et Ajax. Causa ad captivos Trojanos rejecta superior fuit Ulysses (v. supra not. p. 51.). Quam injuriam non patienter tulit is, qui antehac non sibi solum ipsi ab Achille virtute secundus visus erat. Qui quum altero mane dolorem necesse extinxisset (v. schol. Pind. ad Isthm. IV, 68.): Graeci non sine gravi luctu in Rhoeteo eum sepeliunt. Is carminis finis fuit.

Supervacaneum puto, eorum, quae exposita sunt, aut congruentiam aut similitudinem, qua Iliadis locos saepissime in animum revocant, pluribus illustrare. Sed illud quoque lectores sentient, quantam argumentum istud virtute ac quadam quasi fertilitate poetae ingenium foecundare et ad ornatum orationisque lumina ipsum perducere debuerit. Satis igitur confidenter credere licebit, de Aristotelem quidem de hoc carmine non aliquanto benignius statuuisse quam de aliis. Qui si non compositionis solum, sed imitationis quoque artem omnem Homero praecipuam dedit (de poet. 25, 1—2. s. 24. Graef.): tamen

*) Copiose et eleganter de Achillis aliorumque consecrationibus disputatum est in libro: *Memoire sur les Iles et la course consacrées à Achille dans le Pont-Euxin*. A St. Petersburg, 1827. Cfr. tamen Vossius *Epistol. mythol.* T. III. p. 50 sq.

et quoque re aliam poetam alio praestitit! suspicamus tracto, ne dicam necessario. Fuit haec sane Homericæ præstantiæ non minima pars, quod ad scenicam imitationem proxime accedens sumptu ore paucissima, longe plurima inductis personis iisque scite oraculis exhibuerat; quum ceteri contra ipsi pleraque narrantes interlocutoribus pauca tribuissent. Neque omnino quisquam, qui sapiat, Iliadi aut Odysseæ ullum carmen virtute par fuisse dicet. Vnum ne neglegamus primum, æquabiliora belli tempora iis, quæ totius certaminis momenta communia haberent, in scenicam imitationem a poetis fugi facilius potuisse. Deinde aliæ accedunt rationes, quæ iudicium a decreto iniquiore caute abstinere jubent. Aristoteles ipse quidem novit, disputantesque inducit, qui histrionum vitia ad poesiam referentes tragicis ampullis epicam narrationem longe anteposuerunt (de poet. 27, 1—6.): id tamen apud Atticos paucorum erat iudicium, plerisque pariter atque Aristoteles tragoediam præferentibus. Haec ipsa autem ratio quum Homerum videtur super ceteros plerosque epicos extulisse, tum ad neglectum quendam valuisse eorum poetarum, qui omnibus, qui carmina integra legerent, facile potuerunt suis quibusdam virtutibus satis probari. Quanquam tragoediae ista commendatio ac celebritas alius magis causæ admonet, cur epicorum istorum minus crebra memoria esse videatur. Nam si jure aliquo poetas illos in Atticâ minus lectitatos esse credimus, ejus infrequentiae non alia certior est causa, quam quod Athenienses easdem fabulas a tragicis refictas et in scenâ actas tum spectare tum discere solebant. Cujus rei ea vis est, ut ii, qui de illis poetis omnibus parum honorifice statui posse putent, certe silentii isti aut obli-

vicinis testimoniis ne nimium tribuant. Atque carmina cyclicorum sunt illa, quidem servata, diu ultra florentia Graeciae aetatem, et lecta a Euripide, Herodoto, Aristophane comico, ne tragicos commemorem, Et quibus quum unus et alter famam, quae nonnulla eorum Homero tribuebantur, dignam habuerit, quam respiceret: certe Proclum, qui Cypria et reliqua non tam propter virtutem quam propter narrationis seriem multum volutata narret, non uanam sapuisse dicam, illos vero ineptos ne Homeri quidem virtutes sensitse putabo. Sed dictum est abunde, ut, quo iudicii temperamento utendum sit, ab omnibus possit sentiri. Itaque jam ad ipsius nos Aristotelis verba recipiamus.

XI.

Aristoteles quam in unius actionis consensum sapienter et scite compositam dixerat Odysseae fabulam, ejus argumentum de poet. c. 17. s. 16. descripsit, hoc quidem sequutus, ut quid ipsius actionis proprium, quidve per episodium implicitum esset, accurate dignosceretur. Ita igitur ille: „In fabulis quidem scaenicis, inquit, episodica concisa sunt, epica autem poesis iis dilatatur. Nam Odysseae exiguum argumentum est hoc: Quum quidam peregre esset multos annos, assumptus ille a Neptuno, ut solus, praeterea res domesticae ita se haberent, ut opes a prociis absumerentur, filioque strueretur insidiae: ipse tempestatibus jactatus advenit, et agnitis quibusdam quum iustos aggressus esset, ipse servatus est, inimicos vero perdidit. Hoc proprium est, cetera episodica.“ Quod his verbis complectitur, τὸ λέγει Aristoteles τὸ καθόλου appellat, quae est actionis condicio, in universum sed

ita descripta, ut haec lineamenta ipsius quasi figuram fabulae expriment. Haec poëtae primum apud animum exponendam et conformandam esse praecipit, deinde episodica faciendam carmenque legendum. Α λόγῳ differt μῦθος, quae πραγμάτων est σύστασις (c. 8, 12, 6, 8), et ita quidem, ut λόγος in μῦθον formam cedat, quoniam quod in universum descriptum est, uni cuidam quae certo tempore evenit actioni applicitam ex communi propriam evadat. Quamquam artis haec potius plerumque est via, ut unum quoddam ad communis condicionis normam revocatum fingatur. Ita explicamus, quae in Aristotelis doctrinā insunt. Jam illud maxime animadvertendum est, Aristotelem argumentum Odysseae ita exigere, ut nihil mutato narrationis ordine ipsam fabulae figuram, qualis in carmine expressa sit, servet. Neque igitur Ulyssis reditum Trojano a littore repetit (ita enim apologum Alcinoi se describere putasset): sed positā eā, in quā poëta illum constituit, rerum condicione, ut primum quodque momentum incidit, id addit, sed semel quodque, idque verba significasse contentus rerum inclinationem persequitur. Ut autem intelligi possit, quo modo ad suam illam summam Odysseae partes digesserit, ejus de episodiis praecepta adhibenda sunt. De episodiis qualia nunc quaerimus cap. 9, 17, 23 et 24 disseruit. Iis non vernam modo paratissimam tribuit, sed eorum usu maxime epicum carmen amplificandum suaeque instruendum copiis docet. Omnibus autem hanc scribit legem, ut ad rem pertineant (ὅπως ἔστιν ἐν τῷ ἐπεισόδιῳ, ἐκαστὸν c. 17); quod quale sit ex additis exemplis cognoscitur. Per episodium enim in Iphigenia Taurica tum insaniam, postquam captus esse a bubulco Orestes narratur (260—335); tum ex-

plationem, quæ soror et illi et sibi salutem invenit (1153—1233), inserta esse censet. Iliadem autem quam aliis episodiis multis (α, διὰ συμβάντων τῆς ποιήσεως), tum navium recensu interjecto auctam dicit c. 23. Plurimus igitur Aristotele iudice episodiorum usus est, inque ita proprius, ut etiam ipsius actionis membra variata fingat et instruat uberius. Quæ enim simpliciter facta esse dici potuissent, his si quæ adhibita est machina et singularis inventa ratio, episodiam ascivisse poeta dicitur. Velut quam Orestes captus adductusque esse nude dici potuisset, maluit Euripides ingruentem interdum Orestis insaniam, quæ non erat hujus actionis, adhibere, quâ stratis armentis bubulci vim excierit. Itemque Iliadis auctor non solum agminis Graecorum incessum magnifice exornavit (β, 455—483.), sed agminis illius speciem singulorum populorum longo recensu distinxit. Ad horum exemplorum normam Odysseæ episodica, carmine ipso cum Aristotelis argumento commisso, expendere conatus sum. In quo si quid dubitationis reliquum fuerit, in summa scriptoris brevitate modestius quam audacius fecisse haud poenitebit. Non ille Neptuni iram per episodiam inductam dicit; hæc enim ipsa a patria arceat absentem, qui, nisi illa redire cupienti infesta obstaret, omnino ne abesset quidem amplius. Non magis autem Neptunus præterea quidquam ad carminis summam momenti habet. Asservat tantummodo delitescentem in Ogygia, rejicit, dum licet, ab appulsu in patriam, et quum cedendum summi Jovis decreto vidit, haud impune Phæacibus esse sinit, quod feliciter illam auctumque donis domum deportarunt. Itaque verbis: ἀποδημῶντός τινος ἔτη πολλά καὶ παραφυλαττομένης ὑπὸ τοῦ Πηλεΐδου, καὶ μόνου ὄντος, αὐτὸς ἀφικνεῖται χειμασ-

9 et nihil aliud significare putandus est Aristoteles, nisi α, 1—79, ε, et γ, et non priores respexisse cursus qui narrantur rh. 1—4. priora enim quum neque absentiae causam neque reditus rationem spectent, episodiorum ille potius loco habuit; itemque ludos, qui rh. 9 in Ulyssis honorem acti referantur. Media sunt inter utramque condicionem et propriorum et episodiorum quasi confinis, quas continentur rh. ζ, η et θ, 1—99. Atqui multiplex est episodiorum illorum cum actione primaria necessitudo. Ulyssis narratione docentur auditores, primum unde et ubi ira exorta sit, quae tot annos absentem premit, deinde quomodo socios amiserit, quibus destitutum sistit fabulae argumentum (καὶ μὲν ὅντες); denique etiam ad reditum facit narratio, cuius jucunditate ac miraculis deliniti Phaeacum reges dona et deductionem paratius liberaliusque instruunt (rh. v init.); similis autem quanquam haud paullo alienior condicio est ludorum illorum. Sed quum Odysseae adornatio bipartita sit, ut cuius in duplici compositione reciprocetur fortuna (v. poet, c. 13, 11): alteram expositionis partem his verbis Ar. adumbrat: ὅτι δὲ τῶν αἰνοῦ ἄντας ἐχόντων, ὥς τε τὰ χεῖματα ὑπὸ τῶν μυστήρων ἀναλίσκασθαι, καὶ τὸν υἱὸν ἐπιβυλεύσθαι. Haec primum in α, 106 sqq. β, et δ, 625 usque ad fin. quadrant; nam et Telemachi concio et procorum insidiae quis dubitet quin rebus primariis intersint. Temperata autem sunt episodio de Telemachi itinere (γ, δ usque ad 624), cuius ratio in promptu est. Gliscens enim per procorum animos tollendi Telemachi consilium per itineris opportunitatem erumpit. Neque alieni sunt sive Nestoris sive Menelai Helenaeque sermones; quanquam qui aegro se ab his abstractum ad procorum petulantiam malitiamque

traduci patitur (d, 620 sqq.): nec is haerere Lotophagus quam cursum persequi mavult. Accedunt vero prioribus illis, quae res domesticas adumbrant, rhapsodiae maxime ε, σ et υ et magna pars quartae et quintae decimae, tametsi his quoque insunt, quae ut σ et τ ad agnitionis potius vicissitudinem pertinent. Sequitur in argumento: *ναὶ ἀνθρώποις τῶναις*, quod admonet, ut de agnitionibus doctrinam illustremus. Ordendum est a c. 10. in quo postquam fabularum et actionum alias simplices esse statuit, quum conversio fortunae nec inopinato casu nec agnitione, sed aequabili ipsius actionis progressu fieret, alias implicatas, quam commutatio illa ex inopinato casu aut agnitione, aut ambobus incideret: de agnitionis genere exposuit c. 11. ejusdem formas, vim et efficaciam c. 16. persequutus est, denique c. 24. Iliadis quidem actionem simplicem et aerumnosam, Odysseae vero implicatam et moratam esse dixit, transigi enim totam per agnitionem. (Moratam s. ethicam Odysseam appellavit, quod tota apta est ex appetitione, et in finem propositum intenta.) Ergo Aristotele iudice agnitio per totam Odysseam dominatur. Quod antequam pluribus explicemus, verbo cavendum est, ne quis eam prorsus temere leviori actionis transigendae adminiculo tantum momenti ac prope primas detulisse putet. Coniunxit Ar. agnitionem et casum necopinatum, *ἀναγνώριαν* et *ἀνέμετον*, et ita quidem, ut aut alterutrā aut ambabus implicatae actionis genus constare diccret; utriusque autem vim omnem ad fortunae conversionem retulit. Perro casum necopinatum agnitione potiorum esse voluit, ut *ἀνέμετον* quidem sola satis posset, agnitio vero cum illa conjuncta optime haberet. Ergo agnitionis vim non ipso facto contineri putat, quo quis tum ipsum aliis

esse reperitur, atque antea visus fuerit, sed illud consequens assumit, quod, qui ex obscuro emergat, simul aut ex alieno amicus fiat aut a sortis quâ pressus fuerit iniquitate ad laetiora proficiat, vel contra (c. 11): *Θεός γάρ καὶ τὸ γιγνώσκειν φίλος*, ut est ap. Eur. Hel. 500. Negari autem non potest, philosophum vel sic in formis agnitionis discriminandis diligentiam prope putidam posuisse, et omnino hoc genus nimis exegisse. Pergimus ad Odysseam. In hac, si quid recte interpretor, agnitionis vim primum deprehendit apud Alcinoon (c. 16. *καὶ ἡ ἐν Ἀλκίονι ἀπολόγη· αἰκῶν γάρ τῃ καθαρίστῃ καὶ μυσθίῃ, ἐδάκρυσε*); ea enim agnitio primam habet inclinationem fortunae, quum agnitus ab Alcinoō Ulysses, ex alieno amicus factus, benigne in Ithacam deducendus suscipitur (Od. 9. 521—33.). Post primam illam agnitionem redux in patriam Ulysses ibi primum agnoscitur a Telemacho π, 186 sqq. Quae agnitio vereor ut justos numeros habeat, neque enim ullo alterius iudicio fit, sed solâ ejus qui agnoscitur professione. Quo exemplo maxime arguitur Aristoteles agnitionis modo nimium tribuisse. Quum enim nullo ista omnino neque artificio neque casu eveniat: ad rerum tamen conversionem gravissima est, neque minus ad totius carminis implicationem; nam illo Ulyssis cum filio congressu duplex compositio in simplicem coit. Quae sequuntur agnitiones τ, 386. et φ, 217. eas diserto iudicio ponit Arist. c. 16, 4. „signa si qua sint indicio, alia ait esse extrinsecus addita, alia in ipso corpore ut cicatrices. Qui quum omnino rudior sit agnitionis modus, tamen eo quoque recte sensu uti posse poëtam. *ὅλον Ὀδυσσεὺς διὰ τῆς αὐλῆς ἄλλως ἀνεγνωρίσθη ὑπὸ τῆς τροφῆς, καὶ ἄλλως ὑπὸ τῶν συμβατῶν· εἰς γὰρ αἱ μὲν πλοτεὺς ἐνεκα αἰτεχ-*

σφραγὶς καὶ αἱ τοιαῦται πάλαι. αἱ δὲ ἐκ ἀναγκασιᾶς, αἱ καὶ ἡ δὲ τῶν
 Νέμεσος, Σάλμης. Non est, quod hoc loco pluribus ostendum, quam
 indigni iudicio Ar. illam Euryclae agnitionem efferat. Neque quis-
 quam amplius dubitabit, quin idem episodiam quoque, quod de ac-
 cepta in Parnasso est cicatrice, admisit, utpote quae agnitionis
 causa illustretur. Missa igitur ista Knightii Thierschique suspiciōne
 (v. supra sect. I.) reliqua agnitionis momenta breviter addimus.
 Predit se Ulysses porro proci arcus sui usum (quam dixeris ἀνὰ γυ-
 νῆκα ἐκ αὐτῶν τῶν περὶ γυμνάσιον, qualem omnium praestantissimam dicit
 Ar. c. 16, 11.); Penelopae ψ, 188 sqq. lecti sui indicis, quae est
 agnitio per signum acquisitum; eaque deterioris notae, signum enim
 in Idem adhibetur; denique similiter Laertae patri sui fidem facit
 adhibitis signis ω, 330—345, cuius loci mentio est ap. Aristotelem
 Eth. Nicom. III, 8, 10. Gallis verbis δεῦν δὲ ἀνὰ γυμνάσιον, quae
 duobus versibus inserta leguntur ω, 318 et 19. Is igitur agnitio-
 nis ille tenor est, qui per totam Odysseam pertinet; aliena admis-
 cit Graefenh. in Animadv. ad libr. de poet. c. 24, p. 183. nisi
 quis forte canis fidelissimi agnitionem a me neglectam jure queratur.

XII.

Reliquum est, ut extrema quae in argumento Aristoteles ponit
 nihil habere doceamus, quod illius Odysseam ulla parte maneam
 fuisse indicet. Addit haec: αὐτὸς ἐν δέμῳ αὐτὸς περὶ τοῦ θῆ, τὰς δὲ
 ἐξ ὧν δὲ δὲ δὲ. Incolimitas illa victoria non ipsa modo victoria
 continetur, sed oportuit eam etiam ab ultione omni tatum esse.

Quapropter dubium non est, quin ista quoque, quibus praeter
 Ithacenses competitat narratur, idem sit, ac *ἀπόλογος* Aristotelis.
 Abcedant vero alia testimonia, quae extremam partem,
 quam Alexandrini metarunt, ab Aristotelis Odysseam nequaquam ab-
 fuisse praestent. Atque unus locus, qui in Laertae agnitione repe-
 ritur, jam supra allatus est. Porro Rhetor. III, 16, 7 brevitatis
 ejus, qua patronum, quae vero commissae sint, attenuare jubet, ex
 Homero petit exemplum his usque verbis: *παράδειγμα δ' Ἀλκινόου ἀπό-
 λόγος, ὅτε πρὸς τὴν Πηνελόπην ἐν ἐξήκοντα ἔπεσσι πεποιήται.* His verbis
 non versus Od. ψ, 263—284 significari, quos Buhlius indicavit,
 certissimum est, hi enim non Alcinoi apologum, sed solum Tiresiae
 vaticinium idque totidem verbis expressum referunt (cfr. λ, 120—137.).
 Neque magis quisquam locum γ, 274—79. respici opinabitur. Sed
 subest *κεφαλαιώδης* quae ψ, 310—43. legitur. Neque enim illud
 morabimur, quod in Aristotelis libris nunc est *ἐν ἐξήκοντα ἔπεσσι* quum
 versus isti triginta trium, aut si accuratius computaverit, viginti duo-
 rum tantum numerum expleant (310—332.). Nam sive ξ ex λ et
 superscripto γ, sive e *αβ* corruptum sit, sive alio numerus ille errore
 fuerit inventus: certe rerum convenientiam numerus perperam scri-
 ptus non redarguit. Locus autem ille apologum Alcinoi tam apta
 serie tamque in summa brevitate integrum complectitur, ut ne alius
 quidem diversitatis oriri suspicio possit. Quod Rhetoricorum testi-
 monio efficitur, Aristotelis Odysseam in versum ψ, 296. certe non
 dedisse, idem in eumulum Platonis citatione confirmatur, qui de rep.
 II. 337 A. allatis versibus 6—10 rhapsodiae ultimae Homero quo
 locum vindicat, quem vetusti poetae haberi non homines, non Dii

concessere. Denique quod de extrema parte Odysseae, idem de aliis
quavis inspectissimis locis praestare poteramus; nam ne undecimae
quidem rhapsodiae ullus locus teste caret, quos nunc singulos enu-
merare nihil attinet.

INDEX SECTIONUM.

		Pag.
SECTIO	I. Enarrantur loci Aristotelis, de poet. c. 23. et 8., qui sunt de justâ epopœiae compositione	1-8.
—	II. Homeri quae fuerit argumenti deligendi condicio, probabiliter disputatur	9-15.
—	III. Instituitur disputatio de ceterorum epicorum ad Homerum ratione	19.
—	IV. Aristotelis norma, quâ epici carminis descriptionem censuit, expenditur. Cypriorum compositio	23.
—	V. <i>Ilias</i> et <i>Odyssæa</i> optime compositae. Earum argumenta desumpta e quinquepartitâ belli Trojani historia. De quinque Trojani belli temporibus alius poeta aliud complexus est; Arctinus et Lesches in eodem elaborarunt	31.
—	VI. De <i>Hægiae Troezenii Nostis</i>	38.
—	VII. In <i>Nostis</i> <i>Necyiam</i> fuisse demonstratur	46.
—	VIII-IX. <i>Arctini Ilii Persis</i> et <i>Leschis Iliæ</i> parva inter se comparantur. Ille meliore usus est compositione.	57.
—	X. <i>Arctini Aethiopis</i> carmen <i>Iliadi</i> multis locis simile; idem ceteris quae cyclicorum vocantur præstantius	63.
—	XI. Locus Aristotelis de poet. 17., qui <i>Odyssææ</i> descriptionem habet, illustratur. Ejusdem de episodiis et de agnitionum usu doctrina	69.
—	XII. Aristotelis <i>Odyssæa</i> extremâ parte non destituta	71.

C O R R I G E N D A.

- Pag. 24. l. extr. *discrepantia*.
 — 34. l. 2. pro quâ l. *quo*.
 — 41. l. 2. pro dativo *Nævu/α* lege *nominativum*.
 — 48. l. 9. lege *Tzetzae*.
 — 52. in notâ post *σopός* l. *illa*. Cfr. II. v. 91.
 — 56. pro *Lacoonte* bis repone *Laocoontem*.
 — 58. l. extr. *junge amorem ei*.